



泊翁集

秋

2389
~18

~18
2451
3



18
2451
3

泊翁詩鈔目錄三

樂慎齋

卷之六

玉壺洞陪楓閣共賦

酉堂席上走次浴佛日韻乞和

趙景成

洞天

韓酉園

永元

過

送彌山之任華城通判

牆東沈大林

啓錫

見過

效寒山子

北洞賞春敬次楓閣韻

直中偶吟

賦燭次李天民

詩哲

又次賦雪

丁酉山

學淵

過喜次東坡

李景臨

河錫

過觀驟雨走筆

花朝後一日與楠園諸友作

復次天民戲效離騷體

暮春南澗拈許用晦題崔處士山居韻同作

南澗又集

又拈孟襄陽韻

綾山過留宿同賦仍呈楓閣斤正

金竹下

箕書

見過空虛堂同作

西池賞荷

城南首夏

梨園庚子夜與鄭彌山李澹石作

種竹山堂小集

梨園又會

與菊人作

贈洪菊人赴任稷山

次玉壺洞茅亭韻仰呈楓閣

敬次玉磬齋庭松韻

楓亭公齋名

偶吟敬呈乞酒楓閣

奉贐桐漁李尚書相璜使燕

斗室沈尚書以矮磁瓶種小梅命次梅韻

又次斗室矮磁瓶小梅韻轉呈西堂乞和

奉送李南霞之任龍灣

賦呈斗室沈尚書使燕

賦雪

賦梅

次菊人韻

紫霞約會秋史菊人與余而病未諧

與彌山遊夢遷庵

與彌山同作

送別李南平昂寬

與鄭彌山會飲

與彌山斗臣集杏屋

與南村數友看花

與同人遊南園

和寄彌山

絳茶生朝與菊入金秋史正喜次香山韻

贈別經山鄭閣學元容出宰寧邊之行

次柳梅下 相東 見贈韻仍謝惠酒

竹下水橋寓次同作

三益來過同拈劉滄韻

鄭黃坡 煥杓 過拈茶山韻是夕觀燈

留別李文山 載毅

次文山韻

與文山對酌

酉山過留宿放言

權文遊 復仁 過

偶吟

和寄西山

見金斗翁 晉淵 書喜賦旋寄

謝人送綺饌

輓人

送人赴燕

茗泉金奉賀 履陽 枉過

秋懷

嚴寒

鄭彌山樂院直中夜飲 壬申

與清夫賞荷作

喜南雨村尚教至

景臨直廬與綾山夕陽賦詩限以曉鍾為令

失題

權石浦奎應過次天民金吾直中寄示韻

次趙竹間鎮簡韻寄示貞室

仰贈竹石尚書出華城留臺

雨中無棕信筆和金評事在元

六月二十四日菊人宅與彌山會飲

次寄鄭夢坡世翼見寄韻

竹醉前二日與洪鹿隱作拈三淵韻

次人壽席韻

借人賦梅卷讀而評之仍次卷中韻

落梅

朝起看梅花盛開詩又忽成呈楓閣相公

用前韻呈黃山金侍郎道根仍復要和

俞葉山致翼具酒見邀與金寅庵相喜看梅

寅庵宅夜飲又賦梅花

金篋卿應根趙元七斗亭同集寅庵書屋

李青漢鎮泰與綾山過

直中

直中以近體二篇仰贈西堂吏部乞酒

直中送晚兒作湖行

積氣忽發幾死回甦擁被呵毫滲藥汁寫此

病中十四夜月

夢中山遊作

自挽

差祭 延祐宮與鄭文學 德和 登冷泉亭

卷之七

白雲山行錄 並序

與菊人作東遊曉出東門

出郭

馬上口拈

過樊川憶遲稼

次菊人丙舍韻

過安窩墓

次菊人拜墓韻

午炊梁門店

抱川道中作

永平縣

金水亭

祇拜玉屏書院

禾積淵

農巖舊宅

過淵翁墓

三釜淵

桃李洞

華陰洞

又賦

元化壁

白雲嶺

仙遊潭

崔孤雲影堂

斗尾嶺

鳳味泉

十七灘

疊石臺

籠水亭

白雲潭

白龍潭

七仙洞

影堂

宿谷雲吉姓家

華溪與杜溪小華諸名勝作

安洞逢今軒同賦

病中送李友命運赴任拜峯

用紫霞扇頭韻呈南宜齋周獻

丙舍聞丹邱韓尚書使燕漫吟遙呈

陪楓閣賦益柑

彌山宅與申李諸君作

翌日復會

送別赴燕行人失名

次鄰友輟中除夕韻

次晚兒上元韻賦月

呈洪杜溪晬辰樂受

過竹西金侍即不值

送南平李使君昂寬赴任

送彌山使君赴任上黨

李士賓觀夏過

送任寶金使君元根之任

新晴與同人西池賞荷

送洪連山哲榮赴任

奉送西堂公按節嶺藩

敬次斗室寄示賦梅韻

又次斗室賦香韻

南雨村過與韓李諸人共吟

病中追次李友性之東門柳韻性之即李拜峯字

金竹下忽來賦詩

次竹下與家兒同作韻

和左衡韻

陪楓皋竹里諸公遊北屯作

燈夕次少年軸中韻

自拜峯牧場來過洞天宅

金竹下送鯉魚作詩謝之

寄竹所時竹下在水橋旅舍

南遊錄丁丑五月

清州與主牧彌山共賦

嶠南澄清閣醉後走筆

酉堂拈韻與黃庭山泉寅庵作

送桂陽還忠州

燕超齋同賦

臨歸又與諸人走筆

粵山宅餞席次左衡韻

臘夜竹下來過梅下小飲

竹下 除堤川縣來訪話別

竹下具酒見邀同作留別

浦舍看伐荻蒸食大蟹謾賦

李清風見心過傳竹下之信息喜賦近體

奉贐趙學士萬永瀋陽書狀之行

十五夜逋仙具酒見邀賦上元李性之號逋仙

洞天雨村過

南園呼韻

空虛堂直中

奉贐斗室沈公按節關西

偶吟忽憶竹下

奉贐荳溪朴侍郎宗薰按節湖南

空虛直中次杜韻

挽趙碩士漢錫

竹下小楠羽堂夜集

石瓊樓夜集

奉贐沈恆齋能岳赴任義州

苑署直中

九月既望陪楓閣諸公泛舟西湖

苑署直中金趙李八公畢至共拈杜韻

趙貞室元七至共賦

苑署直中寄竹下

貞室作詩送酒仍和謝之

李金浦 章顯 壽席韻和呈

茗泉公過直廬招斗臣各用一花字同作

茗泉公以本署提舉枉存直廬各賦五古

對雪

苑署具道如朝過要余賦詩

綾山字道如

月夜訪紫園黃庭已在共拈

紫園張孝廉照之號

三月晦小楠携酒夜過賦送春

送申翠微 在植 按節東藩

奉送竹里按節關西

送趙北海陳奏赴燕

送李書狀 元默 赴燕

瓶中桃花

景臨直中

奉贐西堂金尚書以正使赴燕

贈山泉陪其大人入燕 山泉名命喜

送金季良入燕

山泉餞席走筆贈李友 善永 赴燕

贈吳君 昌烈 隨上价入燕

西堂尚書灣上與副行人金侍郎 啓溫 唱酬見

寄一軛詩甚宏麗遂以七古和寄

牲署直中送金毅卿 弘根 出宰義城

觀菴軒偶成

泊翁詩鈔目錄三終

泊翁詩鈔卷之六

完山李明五 士緯 著

玉壺洞陪楓閣共賦

百花都屬一番新
濃綠芳陰接晚春
酒是遠沽須地忍
詩因急就見天真
世間正是雲霓望
山裏何堪木石親
蒼壁清流境如許
知應對話少閒人

西堂席上走次浴佛日韻乞和

萬竿鬪起東西廂
燈火今宵佛業昌
慧眼何須遲玉兔
老牙終是怕羚羊
紛紛競逐波仍浪
耿耿相望參與商
指點登高還夏俗
携君痛飲挽銀潢

擬將佛相畫瑤廂是夕光明占吉昌
鍾動曉音疑吼象燈搖風力恐吹羊
酒帘半掩游千騎花市俱空息萬商
拚死貴遊同極樂已教靈魄濯天潢

玉磬清音出曉廂酒星一點傍文昌
公當成道應馴虎我豈封侯未爛羊
已見文章添黼黻誰知詞律協宮商
蓮花燈下虛延佇名勝傳盃注九潢

軟紅踏盡月斜廂復見風流世道昌
沾丐仙爐唾舐犬乞降詞壘媿牽羊
花將剩馥依新夏麥送涼聽作李商
夏許禿頭容讌會敢言蹇衛困陂潢

催遣笙鏞動二廂人生行樂及時昌
神仙畢竟飛華鶴

富貴歸來卧石羊偷飲眾中休笑朔
言詩老去孰知商從公夏向玉壺洞
倒瀉詞源一曲潢

趙景成洞天字與韓西園永元過

卓午柴扉半扇開只看幽鳥啄青苔
閑官偏惱行常縛名士固知招不來
晴嶂堪為樓上畫奇雲却在掌中盃
白頭粧點秋光景乘雨辛勤黃菊栽

送彌山之任華城通判

晚來屈通判奇氣尚翩翩寧學栽新錦
自知彈古絃漫遊拄杖秃沉醉跨驢偏
城裏誰同樂秋愁當一季

牆東沈大林啓錫見過

依舊今年似去年虛堂欲息未歸田燈殘老氣猶餘照
灰冷名心不復然持策遠追武夷老耽盃添箇竹林賢
牆東幸有隱侯在鶴膝蜂腰討滿前

近讀朱書
頭聯及之

效寒山子

去來適然耳何喜復何悲眷屬既非我朋交竟是誰繁
華無寔事文字摠虛辭莫向青山哭須傾眼底卮

北洞賞春敬次楓閣韻

青春甚怪太奔忙欲挽誰能腕力强柳色俊娟爭綠水
花情迢遞戀斜陽名園彩閣題紅粉綺陌芳醪號碧香
剝那之間吾已老俄栽艷體又旋忘

歛霞稍稍菲廬生溪上桃花萬樹明特地繽紛爭亂眼
一時駘蕩便移情山光欲寫從皴色歌曲將終作送聲
休笑老夫春望苦趙州八十打包行

隨處芳華盡我園先行蜂鬧蝶飛翻老石醉醒來笛韻
虛亭風雨聚花魂清流不作相留意好鳥常多未了言
垂白尋春成獨往去年遊侶眾星繁

碁散人家占一園筇前霽色白雲翻政憐清麗偏侵骨
却惱芳菲更引魂持酒先看青嶂面栽詩欲代絳桃言
我頭如雪花如雨併作閒愁一樣繁

直中偶吟

薄遊城闕送年華忘却捕魚兼種菰白髮未歸須縱酒
青春可惜且看花
芒屨寧乞歌姬院席帽羞過高士家
歷落嶽崎成一笑卧看曉月半窓斜

癡想慨然來世長却披殘稿改詩忙春光倏忽鳥何語
人事蕭條花自香候月五更肝肺冷望山三載髯毛蒼

直廬
見南山

點燈荒署又來宿不耐繁愁已滿床

賦燭次李天民

齋語

權柄自持擅此宵虛光不定易搖搖開花結穗人歡占
酒熟詩成友喜招消息月猶有限在光明雪亦可憐銷
但令五鼓膏不盡送客分輝過遠橋

又次賦雪

今宵不熱燭戶牖盡通明細撲猶搖箔亂添強覓饒尚
能增慧業未敢着濃情耐可畱清賞老冰光自晶

丁酉山

學淵

過喜次東坡

重陽風氣髮根涼之子之來宿處香便死清宵無可恨
眞逢佳節倍生光冰蟾吸酒終應倒白鶴聽詩已在傍
却使黃花無數發五更秋夜不知長

苦心香熱印灰銷萬木含霜意欲飄菴裏甘眠三劫頃
山中燕坐衆靈朝君收好月多相贈我對寒花只獨謠
不有燕鴻來去事碧空還是太寥寥

李景臨 河錫 過觀驟雨走筆

俄看嵯峨火色雲斯須急雨劇紛紛老龍奔走聽誰令
大海斟量減幾分三伏半催蘇老我一涼全辦餉夫君
冷然好趁蓮花會竹葉新醪起綠紋

花朝後一日與楠園諸友作

柴門呀響破苔封聯袂佳賓喜色重已有衰梅猶及見
若無新句不如逢歡娛處恨遲來酒煩惱時思快打鍾
夕照西窓遊戲法熒煌老眼筆花濃
春思如有待遠眺在欄頭秃筆應雲滯急觴從瀑流可
堪佳客去但許老梅留自此多花鳥吾園不外求

復次天民戲效離騷體

任作秋風厲九秋渠亦衰已教霜露早却使蕙蘭悲老
桂元無恐高松不自疑芳菲多過眼衰歇盡如期

暮春南澗拈許用晦題崔處士山居韻同作

逕仄巖欹出草堂依然古色見苔荒縱知遊事緣吾懶
絕恨韶光為底忙幽鳥無人獨解語好花終日自薰香
主人未自香山返且盡狂歌夕氣蒼

南澗又集

病後枯筇獨見憐乘晴遊袂動如烟一春老蝶初回夢
萬樹飛花盡解懸試筆奇雲生壁面舉觴斜日照溪前

招邀名士無他勝適至琴師弄數絃

又拈孟襄陽韻

歡娛着處作吾鄉未覺春光竟杳茫琴客清溪忘本領
酒人明月少他腸晚來蹊逕尋紅藥老去風流付綠楊
五步一芳疲更甚何妨醉字不成行

不迎喜客任敲扉但使虛亭納翠微偶坐荒邱當受賀
狂歌老石頓生輝綠罇恣許春光在烏帽大慙詩事違
季少莫嘲鬚髮禿落花飛絮較看稀

剗竹縛成卍字扉開山以後徑微微紅萼急風終憤怒
黃鸞宿雨少光輝名園長鎖客何負佳句欲圓天不違

消受良宵酒三斗斗杓移次小星稀

綾山過留宿同賦仍呈楓閣斤正

朱炎那得嘯東臯下直歸來卧更高燕子盡飛空舊壘
葡萄未熟洗新槽憐吾醜面還多皺喜子靈心有幾毛
催送季光園樹在好花纔落食甜桃

近日周旋吾與吾有時遐想八虛無髯毛蕭颯秋聲賦
秃筆扶踈夕照圖烏困蒸炎飛輒重蟬經清露響仍孤
舊遊歷數多凋謝賴有眼前青玉壺

綺習難除翰墨情蹒跚那及少季行君如急瀑無停響
我似衰蟬不惜聲弄月千回圓魄缺尋花十步眾芳生

落紙還多神到處只須人解不要驚

夕鳥歸時孰不還踈迂此漢本來閒酒清一笑回千載
詩險孤懷出萬山髮短已從秋管係夢涼應到月中間
赫蹄先會覓音喜殘夜松扉且莫關

縮地居宜步屨從中開巖壑樹重重秋來多想聞高鶴
老去無眠數遠鍾鈔看我詩忘舊作嘗知鄰釀坼新封
吾曹堪置竹林數只少當時阮仲容

常畏苦炎赫赤暉清涼一片得來稀芳林高葉知風動
淡夜羣蟲見月飛君惱碧觴應使氣我憐華髮久忘機
試吟十紙將填滿蔬飯相留不放歸

久久懷冰未覺寒朱炎老子着何冠秀篁塵世宜清問
缺月醉人相怪看一日奇遊勝福地平生噩夢度危灘
得來佳句爭狂叫却惱比憐睡未安

如水天街絕市喧惺惺堅坐復誰尊於人伏熱皆淡怨
與我雨涼非少恩桑海仙談繡竹榻蓮峯畫意滿柴門
新貴不能容快士千秋膜拜繡平原

酒中何物不能齊義徑猶知東復西四壁蟲應喚惺語
五更驢亦告饑啼縱令畱約碧雲合最是銷魂明月低
清廟來晨秋享至肥羊莫道飲過溪

金竹下

箕書

見過空虛堂同作

君來頓使直中清三宿虛堂是苦行未恤蒸炎覘囚色
那堪徹曉撼鈴聲詩筒酒榼我家物早李新水鄉思生
一出翩翩同羽化共乘晴雨賞荷情

西池賞荷

苦熱難為夕爽襟誰與同萍浮憐聚碧蓮吐畏淡紅揮
筆住明月停盃取遠風吾將諱短髮遊戲少季中

城南首夏

我有幽憂不可書微吟落照到鄰居厭聽春後皆啼鳥
真見海中多大魚罇酒不乾故人少夕風何急好花踈
得來五色佳瓜子筋力如今恐未鋤

梨園庚子夜與鄭彌山李潛石缺名作

曉鍾聽慣吼鯨魚到處歡娛使我居閣藥可知春幾許
鄰沽不問酒何如管絃聲落月斜後詩句情留客散初
默數今年多應接翠微移席轉愁余

聞說西湖义大魚松筠久銷好樓居嘉賓自有坐氈在
妙句誰能囊錦如現住餘霞看酒半灑來微雪憶梅初
不堪年少嘲無賴君亦須臾白髮余彌山近買江亭故起句及之彌山鄭

姓用鄭處之檀潛石
姓李用李賀之錦

種竹山堂小集

君愛籜龍出洗來持酒歡朱炎行自伏白髮欲吹寒信

馬洞名熟聽蟬園意寬奇花俄頃現妙思落毫端

梨園又會

劇憐斯世小如池萍跡其間合更離但把淡盃何事管
已教明月此心知殘年不足看梅日薄宦猶多跨馬時
逢處定勝看奕局共畱芳躅却題詩

與菊人作

逢處為詩春復秋又乘新霽遠相求花應無隱香人飲
月亦餘明照我遊偏惱輪蹄迷紫陌忽思鷗鷺散滄洲
世間情障須超脫碎却明珠且莫愁

菊人哀傷故末句及之

贈洪菊人赴任稷山

知縣相門出盛時如復逢沙堤連雨壞槐巷晚陰濃官
好五湖長酒清千戶封已空詩杜去我亦看梅慵

次玉壺洞茅亭韻仰呈楓閣

小有洞天陰碧條茅亭一角坐還高笕流點滴從碁局
林籟清冷引洞簫邀入仙壺非俗士拾來靈箭或山樵
宵然松裏狂吟發莫怪何來木客謠

敬次玉磬齋庭松韻

楓閣公齋名

斲得雲根揀秀林龍顛虎倒護持心乃公元是擎天柱
難撼狂風着脚淡

材與不材知一林見來經濟古人心辛勤扶護龍鱗大

石貌應癯苔色淡

遐想何須要入林清風謾謾赴庭心
踈襟自是多閑曠脫帽看書綠影淡

定勝消夏憇芳林含蓄山雲野鶴心
高手季來渾不着一杯閑遣午陰淡

朱門托跡自山林百歲之寒不改心
賴有主翁撐拄力通身雨露入淡淡

偶吟敬呈乞酒楓閣

絲竹通宵惱四鄰貴人生態近前嗔
黃金多鑄功臣印無救腐儒沽酒貧

墨客詩朋共萃辰家貧不恥恥疊貧
坡翁浩浩看人飲要作當時把盞人

奉贐桐漁李尚書

相璜使燕

公是天下士乘軺北燕聘文章今賈董
詞律古韓孟千載信斯言肉眼怪相瞠
明後文氣弱漢唐生未併中州四萬里
一行可掩映悲慨山川古想像禮樂盛
仰看經天飛自傷垂翅病

斗室沈尚書以矮磁瓶種小梅方開置
在几上命次原韻

床前勒住歲華馳苔潤梢頭氣息吹
妄想金禪丈身化

低呼玉女豆人宜教來鶴子棲難穩喚得蜂兒嗅不遲
眞是鵝籠中物化傳奇東國更添之

弱身關造化慧性辨寒溫花外風霜集枝頭日月翻瓊
瑰夢已幻金粟佛同尊天下已知冷敲冰曉灌盆
銀蟾牕隙忽驚馳輕舉清風恐急吹斜影阮壺對頭好
半枝荀尺度身宜封來香國彊雖蹙傳得春王信不遲
幼婦玉容眞絕妙勸栽黃絹更籠之

幻悟分身細微知具體溫蕾爭燈穗結香入筆花翻影
瘦心逾苦枝低氣獨尊笑看爭長好故傍矮松盆

又次斗室矮磁瓶小梅花韻轉呈酉堂乞和

漫向野橋寒衛馳春風却在案頭吹仙逃壺裏魂遊着
佛坐毫端頂禮宜隱几兀吟同耿耿隔紗偷看故遲遲
白頭續寫小言賦那免傍觀微哂之

忍使情人寄驛馳祇堪看去襲香吹細呵硯凍寒相及
小罵牕聽撼不宜測候弱絲添繡近通身徑寸化珠遲
園林半樹稱奇絕但恨孤山未見之

少坐畱觀神不馳送來香縷是誰吹屏圖模易折枝錯
瓶史添從細草宜好看化工小兒弄煩換花候貴人遲
未將絳雪二三點灑向枝頭潤色之

葩從瓶膽放馥應管灰溫枝細指端捻影嬌掌上翻強

迎生客笑偏倚主翁尊吟就隱侯宅分陰移酒盆
折香補枝短先春顏色溫濃霞猶恐重纖月自羞翻對
案齋箝敬障紗移步尊有妻如許妙沐浴用金盆
寄生一撮土弱植自奇溫把枝已盡分攬影不餘翻戲
破高僧戒感回青帝尊養來若干尺來歲更移盆
庾嶺秋毫細冰枝抱玉溫花從茵上數影轉曲中翻月
皎知心貴霜嚴見道尊豈知世界闊魚似泳回盆

奉送李南霞之任龍灣

梅花驛路雪飄零塞上離歌五馬停院燭無眠他夜漏
海槎猶記去季星天寒朔氣龍堆黑野曠邊愁獵火青

擬古登臨應作賦可能不醉統軍亭

賦呈斗室沈尚書使燕

偏方碌碌固無奇名士神州願見之老不能從還自壯
擬留雙眼讀公詩

頭白窮年迹太奇誤充書記日東之蠻兒頂禮公名姓
爲誦扇頭金字詩

中原目擊儘多奇史策圖經未盡之自是金元遞爲主
朔聲消作艷穠詩

不見東方男子奇使車軋軋更何之逢人諱說皇朝事
未敢輕爲慷慨詩

紀行畱與後人奇過去山川潤色之名位文章俱第一
幾人能及乃公詩

未見中州却說奇東人痴習孰憐之鴨江如帶多拘束
更恨身畱只送詩

叢書近歲頗多奇行橐餘金可購之爲是離腸繞薊樹
不曾漫作入燕詩

賦雪

先灑梅枝試一奇畱看百變采頤之迷濛不覺自相壓
揮霍未知誰所爲林木影多爭映發烏鴉衣重見歸遲
天花拈取無裁擇自犯前人禁體詩

收來一陣不重奇真惜瓊瑤踏碎之與世塵氛俱隔絕
令人淡泊少營爲月明樓閣元無缺花發林園亦不遲
佳境何須尋隱士玉壺春酒自題詩

賦梅

誰試芳華乃爾奇飄然獨立欲何之槎應老佛精靈幻
花是高人矚目爲元自枯淡疑欲墮行當爛漫望還遲
詞垣衆作冥搜盡頭白猶題年例詩
寒姿瘦骨不誇奇衆卉爭名乃恥之魁占應專香國在
兄呼堪使玉人爲不煩點筆形容足但覺回燈讚歎遲
一見可知消鄙吝雪中先着浩然詩

次菊人韻

覓得新詩作許忙，擁來奇帙欲專房。
遍尋梅樹吟髭短，耽看仙書手爪長。
老去良辰那可負，古來名士亦難忘。
金蘭晚契仍違約，藝盡殘更幾炷香。

欲向仙源問去津，厭看世態白頭新。
君如梅樹馨香座，我似酒罇傾倒人家。
近南山迷捷徑，行過東海杳揚塵。
已知散性難收拾，丘壑終來合置身。

紫霞約會秋史菊人而諸君未諧予亦病不能紫
霞其夜與徐內翰斐然柳檢書伯敦達曙吟詩
送示全卷於余遂走筆和呈

驚咳寒宵惱病身，看梅盡發不知春。
詎須燈後未來佛，已覺罇前大有神。
徐榻高風依故事，柳塘佳句寫前因。
喜君能用圓通法，世本清閑自擾塵。

潛動蠕蠕蠖屈身，寒圍潰處放陽春。
酒盃徵逐多良夜，文字歡娛盡好人。
月有光明雲易綴，梅生情境雪相因。
消磨不得狂吟癖，借問經來幾劫塵。

虛樓先拂席，高興復如初。
茶集月中約，梅吟雪上書。
英季君不及，狂態我何如。
欲與諸君話，山棲轉郭居。

與彌山遊夢遷菴

信步華溪晚，孤菴出兀然。
茅茨容幾納，草創在何年。
貴

主爲檀越稼翁題夢遷燒香便愈瘡快果詎能痊未

缺

宮娥缺還驚釋子傳立談松影靜餘語磬聲圓撫背須

彌遠掩啼萊子賢君憐粉侯胤我憶洪厓仙遺跡滄桑
劫神交山海絃淨心應化佛慧業定生天棲鴿影猶好
啼翼聽可憐布金青嶂內造塔白雲邊真是薦冥福蒼
茫證老禪

與我周旋久桃花已暎門琴絃徵雨候茶味辨泉源桂
魄期圓郭蓮峯見遠根春光入老境衆綠滿南園
銷愁煩把酌覓句每敲門奎宿誰噓焰酒泉何發源翼
啼都慧性花發卽靈根藜杖在吾手興來遊沁園

與彌山同作

駘蕩韶光晚思君又出門詩應翻樂譜罇欲挽河源幽
鳥自忘語飛花不戀根只憐筋力短處處是名園

送別李南平

鼎寬

百里雷封小隨車雨色迷黃梅當酒摘碧竹待詩題政
擬扶搖上還看枳棘棲芳鄰仍寂寂別意聽鶯啼

與鄭彌山會飲

悶看浮沉苦海波山中擘劃未爲多足量成圃容鋤菜
目巧爲菴缺補蘿茶品猶能從韻士詩名那可定歌娥
桃谿柳巷同鄰舍我不來時子亦過

已拋舊夢散烟波一度逢君酒韻多
春事留連惟芍藥
山心牽挽是藤蘿
禁方爲酒真紅友
從者彈琴勝素娥
高處妄評須勿怪
子眞可及廣文過

與彌山斗臣集杏屋

林中共就話暮色已蒼然
芳草爲何夕
飛花計我季晚
炊應數米轟飲不知錢
古洞三清近
塵根漱石泉

與南村數友看花

芳蹊那復限西東
蕉袷飄然自舉風
應有宿緣今日到
不留佳句此山空
隨行澗水千回碧
移坐桃花四照紅
春酒引人來勝地
散仙元是隱壺中

春風引我出柴門
底恨黃鸞啼百番
臨水徘徊如有待
折花惆悵更無言
層城漸近晴光動
佳節初過酒韻存
何處貴遊來覓句
可憐芳草欲黃昏

與同人遊南園

鬱鬱蒸紅積芳林
覆四鄰
遊情寧選日
晴色復連春
不耐閑啼鳥
已嫌衰酒人
絕勝蓮峯翠
斜陽畫不眞
杏花倉卒至
盃酒更招鄰
軟履便宜晚
尖毫管領春
老蒼松似我清
慧鳥如人幽
絕山中境
醉醒都是眞

和寄彌山

逃暑入壺裏
陳言不欲聞
春吟多和鳥
山夢半爲雲
風

氣自稱快雨絲誰解紛吾曹花後阻蜂蝶獨成羣
 閒人常晏起幽鳥已多聞花遠照虛水山來送斷雲仙
 心丹未熟衰髮白應紛五嶽筇頭出清遊不可羣
 貞疾卧三日朱炎不可干玄談生塚裏奇氣落天端窺
 井虹應渴望林梅正酸醒腸將浣酒須寄一壺看

絳茶生朝與菊人金秋史

正喜

次香山韻

今日是初度榴花一笑開幽禽何處到微雨不期來詩
 寫粉侯紙醺思秋史盃不愁寒衞去昨已萬山迴
 我與絳茶好百回青眼開玄譚已迭出白髮不虛來返
 照連書幌奇峯入酒盃薔薇幾許在冒雨亦遲迴

贈別經山鄭閣學

元容

出宰寧邊之行

奎彩西輝香嶽尊青絲千騎擁名門舞嬉萊子衣為樂
 專養持人城是恩時經山以副學出宰孝有兩親友於兄弟羨風姿善交辭世皆稱譽而豔
羨桃李垂街承奕葉鷓鴣傳曲動新翻離筵劇醉知應
焉怨外系公家水竹孫余為水竹齋相公外玄孫

次柳梅下

相東

見贈韻仍謝惠酒

醉嚙詩香牙頰畱始知酒力勝何侯垂垂斗柄移虛檻
 滾滾江流盪小舟定向梅花揆細徑欲因鶴影起高樓
 春風多謝殷勤意使我都忘兩鬢秋因李青鶴聞梅下信息甚大繼以白

蓮葉瓶盛來芳
醪厚意可掬

曳杖野橋行不畱問奇今世見桓侯多情風雪同連榻
快意江湖共放舟碧甸何須千里驛青帘不數九街樓
大壺兄喚小壺弟足了沉冥春復秋

平生歡伯許勤畱我亦醉鄉之故侯歎態欲量星是斗
任心直把月為舟却疑清露從花架更見流霞作綺樓
散盡愁端千萬緒高風未斷竹林秋

竹下水橋寓次同作

半扇衡門見老成幽愁還復較陰晴病婆堪作居停主
蹇衛真憐太瘦生婆能供具鹽亦病蹇記見簾底壺觴延市色枕根
車馬過橋聲須看鬢髮今俱禿肯遺牢騷作不平

三益來過同拈劉滄韻

窈然蒼壁第三層閑望寥寥夕照增佳句未圓填菊蕊
鄰沽初熟敵蘭陵山川氣迴金風集蟲鳥吟清玉露凝
逢處何須煩禮數見今短髮簪難勝

鄭黃坡煥杓過拈茶山韻是夕觀燈

韶華還似久畱連落絮飛花滿眼前西佛浴來天欲雨
東皇送去草為烟石泉詞客猶堪飲榆葉貧家未當錢
掃地焚香元潔性燃燈今夜更參禪

夜到三更白日連朱樓綺陌放光前星文錯落迷清漢
月影朦朧隔淡烟般若湯佳堪注玉長干塔湧孰施錢

百家生息皆延壽我獨閑爲結夏禪

留別李文山

載毅

石壁移精舍夕陽紫翠紛城闌山色出烏鵲市聲分別
酒如過雨孤吟寄片雲留花亦有眼看我獨離羣

次文山韻

臨發行人聽遠鍾誰將畫扇戲魚龍世情易變花衰盛
交契多經酒澹濃驟雨忽疑佳節換片雲將欲好山封
直廬三載那無戀回望觚稜綠樹重

與文山對酌

如霞老氣散難收欲覓新詩每此樓絕喜夢魂清八月

已知肝肺冷過秋黃花纔綻蜂何至白酒初醅蟻見浮
欲待畢婚雙脚倦衰季五嶽何能遊

西山過留宿放言

果是人生秉燭遊連宵揮酒喚青州老去詩篇驚疊疊
病中酒氣自浮浮君當讓與千金鑄我獨難登百尺樓
茅屋文星相映發童孫述作讀東頭
癡人漫說子長遊遠跡何嘗盡九州偶值忽如萍葉聚
相逢宛是鴈羣浮獨留秋後皆奇樹遠映江流盡盡樓
空手呵呵窮老死再來莫到海東頭

空庭無樹着秋聲白髮先知搖落情卽席還看罇酒在

前宵獨賞月華明只將綳帙如斯活縱有藜筇何處行
喜君詩骨寒如玉漱濯平生茗雪清

權天遊

復仁過

斗覺秋光晚微官使我忙蛩音催歲月鴈字挾風霜見
酒衰毛短寫詩來世長鄉心忽冷落溪雨蹋茅堂

偶吟

鷄犬相聞不記鄰病中方是作閑人掩扉明月爲誰夜
掛履好花非我春常惜舊書如拱壁漫思清酒欲傾銀
平日題詩詩當磨一年點檢未盈司

和寄西山

萬人如海泛虛舟忽覺吾行地盡頭勳業誰高華嶽頂
文章豈竭銀河流歡娛自散五更月離別還同一歲秋
坐客都無田舍計元龍未敢獨登樓

我季迅似下灘舟閑思不容傷白頭隨處狂談真快事
但令痛飲是名流月光滿地爲清水雪候漫空隔素秋
自怪萬林零落盡明朝試脚最高樓

綺樣吾詩落彩霞微吟擁鼻病衾斜世情縱欲恆圓月
人壽寧爲不落花生燈照天衢看佛界酒香鄰甕喚仙家
妄擬東園公舊號座中最管大年華

移席遨遊爲碧山狂吟劇醉未知閒元來異鳥無多語

一往奇雲不復還孰使峻嶒置巖裏尚看精悍在箝間
莫嘲更踏陳人跡豪氣携君欲出關

見金斗翁

晉淵

書喜賦旋寄

忽如携手上高樓定是真遊非夢遊青眼交情元澹澹
彤雲異態自浮浮薄官人謂才難盡衰病吾將行不畱
朝起梅枝聞鵲噪旋驚錦鯉自湍州

謝人送綺饌

符到即行問似誰居停此世太支離貧常丐貸人皆厭
老去顛狂我亦痴遙想氤氳稱壽酒未攀照爛祝釐詩
字缺二裹飯猶粗率况是珍羞滿盒兒

輓人

儒雅名家幸見之韶齡翰墨可爲師骨清不受塵埃氣
情厚寧移冷暖時忍遣西河慟貽父那知伯道命無兒
殘春酒伴山中會髮鬢英魂繞酒卮

送人赴燕

萬里神州宛在天此中名士望如仙胞生華嶽真形外
斃繫東溟逝水邊購讀新書餘淑氣聘觀古蹟定奇緣
應驚小國令公在道似前賢似孰賢

茗泉金奉賀

履陽

枉過

白頭懷抱苦難寬無處銷愁倚曲欄名酒能令老季健

新詩却使滿家歡自明雪色五更遠獨發梅花天下寒
傍晚軒車驚里落德星相聚喜爭看

秋懷

人間作客久始能諳物情秋淡羣木秀夜靜百蟲鳴亂
帙供閒坐枯筇慣獨行欲尋無舊伴還喜小逢迎

嚴寒

寒威一夜凍緊迫没人情翻動風扉語坼驚冰鼎鳴全
軀非我有急勢與誰爭吾豈堯季鶴新詩臆代成

鄭彌山樂院直中夜飲

壬申

喜君襍被近吾廬汶上酣呼昨夢虛院裏畫圖多樂記

關西消息盡軍書直致瀲灩盃心凸稍覺依微桂影踈
老去詩情猶不淺芝園畱待彩箋餘

曉來微雪蓋茅廬一世商量事事虛薄宦君能賒好酒
窮愁我欲著新書但聽邊吹梅花落未赴戎機髣髴踈
不恨上元無月色畱看清篇圓有餘

與清夫賞荷作

行見荷花發秋風八鬢邊雨聲動茗雪酒氣帶幽燕佳
句畱琴曲清遊引月弦漁磯新水漲遙想不能眠

喜南雨村

尚教

至

兒歸已信宿聽說衆香城奇士隨緣至新詩使眼明衰

菊還增彩高鴻却遣聲送迎猶一笑太上未忘情

景臨直廬與綾山夕陽賦詩限以曉鍾為令

共醉洪厓餘老身今來此署海揚塵蓮無我見應消瘦

蟬為誰聽獨苦辛忽對青山何處客始知明月意中人

近來目我顛狂甚莫怪登樓俊倒巾已西洪公直于此署與余痛飲二日

有詩三疊今我復來已三十餘年矣不禁悵惘而及之

藩溷三宵燭淚斑君詩我酒併連環渴來直欲追夸父

高處終當拜華山借馬於人行古道牧猪為吏作何顏

奇文自昔無多數畢竟鍾譚爭一間

未飲大江寧食魚堪憐宦跡出遊踈百季快事終成夢

一夜奇談可著書畜牧誰能看茁長煩冤吾已度空虛

典獄有空虛堂典牲有茁長軒老來麤氣俱消盡病酒烹茶卧直廬

詞人稱物本無芳松有清陰花有香終怪龍蛇翻大陸

可憐燕雀戀華堂神交君亦思千里禿髮吾猶志四方

酒德中和當作頌頽齡不恥作潛郎

靈山會上見何年記得瀛洲蓮葉船應與酒星同隕地

須看文焰尚橫天梧桐暮響聽如夢蟋蟀秋愁鳴不眠

怪疾從知吾可免一瓢乞得玉壺泉

秋晨漫憶舊漁燈藻荇中間舉蟹罾達士不理憂萬斛

小官何戀酒三升漸看佳境月遲到忽覺衰痕潮暴增

老未獄遊無畫本閑看雲片作邱陵

茶槍詞壘燭光纖清夜寂寥三令嚴花盡秋遊新摘果
肴乾曉飲剩拈鹽蒸炎梅醜生衣襍淹直草蟲棲帽簷
痴問詩中何句好笑看管子秃頭尖

失題

故舊皆零自踽涼虛堂卧念底商量招邀花月開詩國
收召風雲作醉鄉諱却他人心盡對談來茲事口應香
天將何事今遺老一咏因教把一觴
床書寂寞對朝昏英氣摧頽欲復援歷歷身過千里道
依依夢入九重門固知萬物真何變更訝虛空亦自存

未省吾生根蒂弱吹噓月季

花名水澆盆

詩爲煩惱苦相因但使在家霜髮新較計佳遊凡幾日
乘除雜病已殘春先鳴幽鳥還驚我復見閑花不記人
頗怪烟霞猶粉墨抄成一集寫吾真

寒花委地尚畱黃借問鄰酤幾許香病起高秋餘落木
夜深明月滿空廊向來好客爲風雨是處窮生當雪霜
慙媿人憐飢色看放慵覓句我應狂

權石浦

奎應

過次天民金吾直中寄示韻

平生可喜李金吾脫手新詩寄老夫岸幘高花從距躡
策驢明月作先驅君應發願春長住我已攢眉酒欲無

衣食何時待粗足餘季嘯傲送江湖

詩壘周旋君與吾相憐俱是號潛夫綠壺聽向流鸞去
畫扇撲來疲馬驅嫩柳新花隨處在清詞麗句可能無
興餘喚泛蠶頭艇雙影紗巾寫碧湖

霖雨計來沙復沙今朝霽意日翻斜溝奔遠澗作平陸
牆壞近鄰爲一家獨坐直愁添白髮餘閒剛喜種黃花
德輿豈醉酸醪濁眼亂毫端五色霞

日日恆看風捲沙岸形迂曲復回斜未知悲喜歸何處
但信陰晴在我家銀漢盡傾天下雨世間猶有百番花
始開酒戶迎親友雨際莫論朝夕霞

次趙竹間

韻簡

韻寄示貞室

已知千渴坼茶封一綠清風底處從花盡飄零猶美蔭
雲常起滅自奇峯閑行林下同眠鶴老向酒中爲懶龍
定愛君詩仍欲和愁端眉上更重重
雙屐庭苔破碧封更治筆硯少季從舊觀不變蓬瀛水
奇氣應高太華峯畫久桃花瘦於馬醒來竹簟冷爲龍
已知陋巷芳鄰結不遺烟林遮一重

仰贈竹石尚書出華城畱臺

裘帶風流盛焚香宴坐淡松高缺府望荷淨似公心祇
賴吹噓力難攀正始音倘從文字飲大慰尚居今

雨中無悰信筆和寄金評事

在元

傍晚尋幽約橋西第五家欣然把竹葉忘却見荷花衣
皺從疎雨覓音出亂沙作詩愁豈有老境發光華
長歌昌谷會痛哭次山家綠暗鴉藏柳紅稀蝶戀花高
吟爭華嶽多酌數恆沙已悟浮生理如斯送歲華

六月二十四日菊人宅與彌山會飲

意到便來不作期君家最愛古槐枝
洪厓初度吾應老鄭谷新詩世未知
片雨花香何處至微風燕子不勝吹
竹床清晝勤畱客沽酒南鄰故故遲

次寄鄭夢坡

世翼

見寄韻

江上春來憶我家官人晚契亦光華
太平欲做耒鉏在至樂可尋盃盞賒
通德五經詩似錦廣文三絕筆添花
勸君大設無遮會翰墨如林老手誇

飲食相娛少在家新年却媿髻添華
殘茶醒世潮音動小雪欺人春色賒
芳物猶稱書帶草荒季欲種米囊花
木瓜莫怪煩投擲為愛潘郎不我誇

五十年前城裏家如今老鶴獨歸華
蹒跚兩屨名山幾浩蕩一帆滄海賒
奇趣從人分竹葉例談避世種桃花
勸君連紙一通寫揭示熒煌老眼誇

夢坡大開墨壘連
篇屢帖困此老人
若反旗鳴鼓則吾將敗矣
以一校兵簡我東壁耳

竹醉前二日與洪鹿隱作拈三淵韻

可賤奇士上天通大阮携咸硯席同花市新交渾未記
糟床細滴老猶聰每嫌遮扇狂塵裏不妨墊巾喜雨中
一段清淡真卜夜松間曉月坐來空
蹇衛先知此巷通老來光景幾人同蝶飛魂夢方開眼
蟻鬪聲名每患聰佳句尚畱花落後神交或遇月明中
平生偃磊將澆盡數到君家罇不空

次人壽席韻

屢閱滄桑華髮新喬松氣槩鶴精神官應腐臭教他做
道是文章見得真琴瑟壘篴當世樂瑤芝玉樹大家春

季季長把今季酒醉後兒呼絳老人

借人賦梅卷讀而評之仍次卷中韻

自唐宋以來賦雪賦梅最

多見者與說者亦支離今人之梅雪尤多於古人余又不能免俗聞人賦梅輒和之

劇憐和氣玉猶濃餘子不知無愠容使有高情應拜石
本來遐想欲從松雪痕歷亂窺斑豹燈影分明點眼龍
歲歲此花催我老不須更恨五更鍾

落梅

惋惜當時嘔笑工麗人心緒佛靈通碎來楚壁天新雪
奪取驪珠夜大風芳運遽衰先覺少謏辭未定後言公
山蹊山店開應滿晚景終然盆景同

朝起看梅花盛開詩又忽成呈楓閣相公

劇知芳質會應終諦視生香自不窮幾度依光惟彼月
一番過化是誰風高吟孟浩豈非我婉賦廣平還似公
墨畫當時能感帝難追玉佩響玲瓏

妙觀無始亦無終望乞新詩照劫窮春候陰晴鳴以鳥
花神迎送鼓之風瑤臺下見惟茲樹佛地中來是我公
寓目且須歡喜去空空色色儘玲瓏

用前韻呈黃山金侍郎 道根 仍復要和

行年八十不知終天遣梅花慰道窮冰骨寧愁侵曉雪
玉顏休道藉春風貧家泛酒應酬我盛世和羹許付公

淡媿惡詩獻魚目瓊琚望報意玲瓏

俞葉山 致翼 具酒見邀與金寅庵 相喜 看梅

老矣吾才不敵江那能句子與渠雙冰肌直恐臨春釋
玉骨何愁被雪撞月現驚應如佛影鶴行喜是似人覓
要看側面與正面持燭教開兩扇牕

寅庵宅夜飲又賦梅花

我梅先發漸踈緣忽到君家滿眼前自厭老枝當暮境
劇憐新萼較芳季了牲署事影添酌讀馬訾詩香破眠
窮臘自然惆悵甚何由寄遠望青天

石腸猶復對歡歡中有溫存冰雪顏放覺經營緣自苦

衰憐憔悴被人看久持月影空完璧爛用天機大弄丸
沈醉不知何處去悠悠我思滿虛欄

梅邊三宿幾花餘衝雪又來狂孰如持酒定憐香韻減
迴燈自笑髮根踈紗龕渠亦思雲水塵網吾猶羨烏魚
老去未堪輕出手古今芳什可盈車

金溪卿

應根

趙元七

斗淳

李白潭

培秀

諸人同集

寅庵書屋看梅

白眼一回忽破青更驚花瘦較吾形細模踈影從蕭散
強覓新香入杳冥欲陞隱迹添仙籍為廣幽懷讀酒經
今宵邂逅皆名勝同賞諸公細寫屏

雪何太白燈何青瘦影無言可贈形老石驚心詩險怪
踈枝亂眼酒沉冥香餘去歲不能吐花似前人所未經
流水空山多遠想安能詰屈掩溪屏

李青漢

鎮泰

與綾山過

南曹北署路橫斜常有停雲意不遮老去空閒遊雪嶽
索居誰與賦梅花每憐偏側竊如颯却喜荒寒聚似鴉
名酒沽來何太晚還看楊柳映人家

直中

小許歡娛多許愁閱來浮世白渾頭酒當快士迷濛雨
夢別情人索莫秋明月盡看青眼冷梅花多賦石腸柔

扇頭倩寫息觀筆期我新晴更上樓

李在綱工於畫山水號息觀

直中以近體二篇仰贈西堂吏部乞酒

忘季交契且忘憂千古麴生第一流
荒塚終應陶赤墮彩繩那得縛青州
江湖幾曲堪分劑嵇阮何人獨拍浮
此語真同飢夢飯渴來遐想洞庭秋
獄裏衆生視如傷欲將良醞試新方
澆來可散愁冤氣嘆去應聞枷鎖香
庭鶯退閑花押亂池魚聚蔭杞棚涼
公今吏部猶嫌飲須寄葫蘆十柄長

直中送晚兒作湖行

收拾湖田鴈鶩餘名場積苦又歸虛
未知佳士榜中得

可道奇才蔡下居應念直廬長
竭酒遙憐旅店獨繙書
楓公獎詡當高捷千佛名經較不如

積氣忽發幾死回甦擁被呵毫滲藥汁寫此

重重紙帳藥烟遲亂髮鬢髻松雪垂
世界本空行俊窄平生多險病尤奇
月非爲我自應照梅亦如人何遽衰
親友素書來數問不知何處更爲期
寒宵數問月何遲客去庭杉影獨垂
對雪獨謠猶是快尋梅凍死始爲奇
直遊天外應差病偶到人間剩許衰
絕恨吾詩何可作知音過劫哭鍾期

浮生久寄自嫌遲鬼伯催人氣欲垂
兒謂病根觴或濫

友言死法句多奇回頭牕月俄盈缺彈指盆花已盛衰
成佛生天歸去好來時我亦不畱期

流年八十大遲遲我足鬼門九分垂生喫酒狂聊復喜
死稱詞客有何奇紛披已見梅情短俛啄先知鶴氣衰
寄語親知花月會遊魂處處遍爲期

大限臨時誰復憐孤魂杳杳漸如烟迴隨月色經天外
忽覺鍾聲到枕邊珍重親知無所托祇殘翰墨有餘緣
何須自作淵明挽且吸燈前一盞賢

病中十四夜月

大物終非風力驅吹噓誰使上天衢玉盤睨視依微薄

冰魄翫招取次蘇更較將虧猶可喜但須全滿豈非愚
若教病死前宵狂知是孤懸我句無

趁將滿處未徐驅已見峯頭又市衢形影幻來惟太白
盈虛悟處是長蘇千季不變常衰盛萬里無疑同智愚
欠是些兒莫須恨長看此際幾人無

承光星斗夾旁驅仰想仄輪礙九衢蟾浴銀河寒欲曝
兔嘗丹桂病應蘇姮娥玉鏡看將老真宰金丸弄亦愚
天問以來多弔詭裁詩莫辨有耶無

夢中山遊作

箕箒谷裏卸驢鞭欲寫吾詩鬢髮寒遊鹿相隨行落葉

飛鷗自下聽鳴灘雨餘雷發釣魚竹秋後風吹打棗竿
倚杖老僧煩指點溪中落日赤瑛盤

自挽

幸及白頭了敢辭黃壤淡殘骸除物役才鬼笑狂吟魂
欲尋思夢淚休漬歛衾祖車誰執紼靈几孰彈琴
螻蟻鑽頭骨鳥鴛啄腹腸逐飛竹可續防穴石堪藏智
勇運皆盡痴愚計不臧珠襦與藁葬白草一茫茫
酷愛非山水真耽豈醪醴剖何成畫石葬不願陶甌閱
世髭全白觀書眼自青泉臺將此去應對豈冥冥
何時復見我眷屬悵然同遺躅尋花下凋顏想酒中蓬

科結恨草陰雨發雄虹萬劫庚寅痛寧愁一切窮

修文不快活兜率果清閑靈性厭拘管虛空任往還跨

鯨朝四海騎鶴暮三山俯看塵寰窄死前何太艱

俄看我猶在哭聲魂亦驚藥碗未乾冷歛衣已縱橫貧

羞乞米帖窮避賣文名凋謝盡朋好郊邑私謚貞

前輩豈吾欺死而亦有知幼情坐父膝缺愛接孃腮追

恨歸來晚方悲倚望遲靈魂長不壞至樂無窮時

客破竹床日馬殘紅藥時物皆有定限人豈無歸期八

耄居停久眾緣解脫奇遍看無掛戀還惱我兒悲

永斷家中事何由關我為酒醪思巧婦書籍付佳兒久

養汝何恨遐齡我底悲才名折福力君子亦羞之
今古爭蜂穴賢愚共貉邱終季長擾擾到底八幽幽勸
學爲名士誦詩作善流我嘗不爲惡陰隲亦非求
不朽千季業遺文今在茲拔毛爲不律漉血代隄隳此
事終難辦來生豈易期噫乎應不瞑渴葬亦同悲
難忘遲稼公每憶漢源翁急響出空峽奇香送逆風卷
中眼似水盃底氣如虹錦帶指先數終歸會合同

差祭

延祐宮與鄭文學

德和

登冷泉亭

漸惱季來英氣殘踈眉復見我心寬丹榴開後烘人熟
碧樹圍中露坐寒沽酒每嫌佳品少聽詩未覺大家難

冷泉亭賞休呵禁自是鴻臚殿上官

代祝下驢晨月殘相看庭宇豁然寬林櫻薦後筠籃少
宮井渫餘磁碗寒廊壁相通聞語細更籌稀到遺宵難
勸君休洗清齋服潔癖元章亦汰官

洎翁詩鈔卷之六終

洎翁詩鈔卷之七

完山李明五 士緯 著

白雲山行錄 并序

菊人要余東遊余以筋力不能當歡娛為辭而
 心固許之菊人亦自知之十五日往菊人所
 已鞦韆秋史忍至不知余之同遊余亦不知秋
 史之同遊菊人故使兩人相知其同遊也酒
 間余惟秋史有行色未及問焉雨又作秋史先
 起催行菊人與余隨起三人始知為東遊伴侶
 相視大笑因作東遊三笑圖誰是陶令誰是遠
 法師誰是陸道士俱未可知也丙子四月十五
 日戲題于徐
 五郎店雨中

與菊人作東遊曉出東門

東峯回望在西邊往往白雲行復連幽澗潺湲寧作雨

晚花開落詎關天堠丞已卧疲官道驢子先鳴望店烟
少壯輕迴千里別被嘲慵倦奈衰季

出詔

自來是閑漢出詔更知閑行試烹茶水畱看潑墨山幽
期無遠近高興孰添刪休道店醪薄猶勝世味酸
秋史多奇話洪厓作吏閑幅巾拋墨綬詩卷入青山訪
古碑文缺逢僧酒債刪且聞行處遠雙脚自知酸
羣遊還似鹿獨往不堪閑前世疑枯衲初行似故山塵
根隨處染綺語未全刪漱濯冷冷澗清吟徹底酸

馬上口占

飛花歷亂惜芳春侶我蕭閒有幾人城裏管絃應落月
山中筆硯不棲塵新鸞欲喚支離夢流水仍觀現在身
鷄犬松籬清淨地吾將置屋與誰鄰

過樊川憶遲稼

遺墟滿目極荒涼昔以詩文爲道場白石難攻點瑕玉
黃金未買返魂香遲遲月出如相待寂寂花飛詎可忘
仰質神明無死罪風流但是太弘長
已爲過客但悲涼滄海桑田話一場卽見張羅門亦壞
未知投轄并猶香此心負負那無媿世故駸駸久若忘
常喜吾詩如己出今來雙涕一吟長

次菊人丙舍韻

那堪上塚踏蒼苔眼閱滄桑淚不開辛苦使君墨綬重
嶽崎舊客白頭來高風勝韻從誰說華屋山邱亦自哀
好是眠羊飛鶴處美陰已見萬松栽

過安窩墓

灑淚容霜埏道苔常憎俗客款扉開平生元祐惟言是
何處歐陽復得來浩蕩應從天上樂盛衰謾作世間哀
已知碩果存玄理玉樹孫枝取次栽

次菊人拜墓韻

花甲人間有此辰壽觴翻作誄詩新盛時不染芬華氣

閱世方知磊落人逢處形骸元兩忘別來魂夢未能親
已須奏稿煩冤雪公倘聞不淚浥巾

千秋梁門店

懸厓聚落不成村小憩槐陰勝樂園仁政君應春有跡
好詩我欲月留痕黃梁已熟初圓夢白酒新釀更返魂
山徑莫愁苔蘚滑紅塵尚漲東華門

抱川道中作

溪水清空照鬢華仰看老樹更咨嗟行人色動聽談虎
古墓神傷見噪鴉欲寫新詩蒼壁石剩沾濁酒獨松家
春來駘蕩忘時序只記刺桐初發花

永平縣

求友如黃鳥相隨到綠陰
忽看平野闊未覺眾山深
竹葉須人熟海棠要我吟
未能逢地主一笑共題襟

金水亭

溪中二石各刊瓊島釣臺

休笑吾詩浣壁間
一生無媿對山顏
老松已秃蒼厓急
花影自搖流水閑
瓊島遊仙期不至
釣臺高士邈難攀
楊公彩筆多粧點
塵夢惺惺却忘還

主人供薏苡遊脚似輕雲
綠水今如許落花餘幾分
釣臺魚已化瓊島鶴應聞
大小同為樂須看莊叟文

祇拜玉屏書院

俎豆先生國有光
仰瞻遺像却彷徨
只教經術救時急
更見文章持世長
懷古幽禽如可語
流芳凡卉若聞香
清神時似楓臯在
最是文忠未敢忘

禾積淵

拂拂衣巾雲氣興
澄潭俯瞰碧千層
定知久蟄為神物
欲話無生少慧僧
壁下驚波敲石磬
松間急景轉風燈
蟾津一曲逶迤去
縱有漁舟溯不能
奇遊不待快晴興
叫絕蒼蒼雲壁層
松末人疑生咳鵲
灘聲石化聽經僧
靜看清晝花吹鏡
極想淡宵鬼點燈
叵耐森寒客久坐
着來綺語老猶能

山光雲影共蒼蒼苔壁麤痕斧鑿忙巖起老虬持鬪角
石穿靈釋浣回腸清冷頗賴壺觴力空寂惟聞筆硯香
生老塵間多苦惱始知星髮八山長

農巖舊宅

老屋瓦盡飄短椽蠹半蝕通計六七間何堪容偃息書
籍羅左右賓主隔門域公當己巳歲寬於世窄逼公遊
溪益清公名石不泐風韻有餘吹老松疑手植皆稱我
農巖四鄰不孤德見位未見人垂老眼誰拭衛霍無奇
節金張少學識恐令人笑拙峻宇競華飾智愚三十里
未知誰失得

過淵翁墓

蒼蒼松柏使人迷老氣森然下馬低詔我先開金屈戌
酌公當用玉東西同經奇禍那堪說縱有新詩未敢題
湖洛如今分黨論閒聽黃鳥隔林啼
手掃苔碑看色絲嶽崎歷落使余悲高才可惜海東死
當世要爲天下奇道統難兄農老學文章真嫡薛溪詩
我祖遺篇知舊誼清陰昔日有題辭
心香爇盡久徘徊未及登門後學哀泉下高人徒夢想
眼中俗物是塵埃無方遊屐山爭出不盡詩料花又開
先子每稱楓岳作畱名萬瀑響如雷

三釜淵

上抗浮雲下如墜搜奇到此幾名流瀑聲轉激爭多氣
嶽勢相持讓一頭亂樹穿來遊鹿渴枯藤斷處老龜愁
冷然古樂出虛壑始畏吾行太曠幽

奇絕巨靈力割來銀漢流晴雷出洞口飛雪灑山頭寂
寞禁人語森寒使鬼愁春撞無底鑊俯視碧幽幽
幾節筇枝秃辛勤觀瀑流退飛霑鶴翅破睡縮龍頭終
日山皆響空林我欲愁淵翁本磊落詞律破荒幽

桃李洞

村落占平行閒情愜晚遊桑麻影翳翳鷄犬意幽幽春

事花猶在我行雲共浮賞心那計脚且莫共遲留

華陰洞

要作休糧道士奇喜君紈袴不知疲孤懷只與溪雲約
浪跡寧教谷鳥知契活山中啖木實榮枯夢裏插花枝
何煩紙上塗鴉去滿腹窪隆都是詩

右行囊垂盡僕夫告飢菊人每携筇先往
待于松陰盤石同遊追到即喚起又先之

又賦

長老盤桓所懷抱漸開朗山花映文采巖石散易象諸
公共分華想像依藤杖園過元美弁莊勝摩詰輞經學
與文章祇今山斗仰晚生未聞道豈是異趨嚮托足悲

無門投老於酒黨使我恣縱浪古人皆已往故墟徘徊
久却驚棲鶻響

元化壁

仄峯接橫嶺圍繞樵逕長如八九曲珠一線蟻行忙似
與俗子語了不見快腸漸入漸鬱鬱奇處忽叫狂千丈
鐵色壁削立自開張新看闕混沌淡意入洪荒渾是無
縫跡一幅天衣裳衆瀑會同流鉅谷直相當欲創大局
勢不容閑商量側想巨靈意着手久彷徨謾作玲瓏界
令人不能忘空巖皆應答奇石欲翱翔可追道子魂壁
面盡老蒼金佛千億相隨筆放圓光

白雲嶺

嶺在白雲中絕頂聞天籟衆生接夢魂大界覆雲靄俯
視昨宿處老遊無己太搜異如潛夫縋險如鄧艾緣壁
引如猿度棧負如狽石平思布體松大量圍帶忽驚怪
禽叫聲出淡藪外隱身摘葉吹頑童作狡獪

寺名只與白雲餘羅代靈僧往跡虛布地金亾沙磔出
傳衣繡落薛蘿踈經函多污翻棲鶻塔級重頽繫客驢
爲問龕中堅坐佛閱來塵劫意何如

臨水倚松手屢叉追摹過境禿毫差僮遲政貫逡巡酒
驢蹇仍看躑躅花異釋難逢緣尚淺茲山盡踏髮應華

燒餘巖石春耕苦四角鳥捷喘日斜

右二首
白雲寺

仙遊潭

銷磨花歲月擔閣酒平生梵筵為耽看仙遊却晚行珠
波欺定性錦石寵題名啼鳥猶閒曠寧教我濁清

崔孤雲影堂

山川淑氣七分收異代丹青但一樓檄草猶傳斗魁在
姓名長與海東流公靈炯炯應如昨我髮森森更欲秋
昔日沒雲臺上望欲尋高躅使人愁

斗尾嶺

經險得奇賞今晴改昨陰溪聲撞碧玉花瓣散黃金吟

骨從山瘦醉魂倚樹淡取嫌名蹟少但說採人稜

鳳味泉

斗尾泉秋史改名
以鳳味題于壁

登頓苦崩崖躋攀怯幽壑奔湍如赴程逼峯若相搏呀
然得清曠金篋新刮膜雪瀑珠沫迴苔壁繡紋落樵蘇
稱斗尾意義無所着高士韻自勝佳人名被惡改號為
鳳味嘉名出雅謔坡翁古硯名今為君所掠玲瓏改舊
觀不為死法縛題壁者元春讚之菊與泊寄語後來人
清遊當控鶴

十七灘

一溪十七渡騎步俱卒卒溪上花開晚冷暈侵花骨行

江翁詩集卷之十
逕轉巖稜步軟愛苔滑俄驚我馬顛還笑君驢蹶遙望
嘉樹陰喜如歸家歇亂石互起伏危橋聽窸窣先渡觀
後渡倚筇如拄笏老脚幾將仆垂胡將欲摔非憂關性
命常恐霑鞋襪士夫一失足終身任乾沒每恨迷津者
此意常咄咄少季自壯遊朝氣超溟渤草庵如一笠沽
酒看細月

疊石臺

疊石如書帙老眼光自短梵經可等身仙籙不勝筭搨
自蒼頡氏弓縛從爛斷卷卷多沒字浩劫墨漫漶緬憶
山中人應有讀書伴飢來煮石芝畫如薤粥椀對坐討

玄解月下松影散勿教塵跡污溪水勞濯浣老學恨殘
星空册几上滿本來疊書臺訛傳失識款

籠水亭

松吹先生風月照先生影仙骨苔斑斑靈光星耿耿歸
然草亭在徬徨我思永阿大與中郎撰杖娛晚景農丈
談簡略淵翁氣馳聘隱几處其中牽動汲古綆骨肉芝
蘭臭心腸丹青炳短碑字剝落手捫發溪省賜書嚙松
鼠故瓢破木瘦餘韻滿山谷夕陽僧話冷

白雲潭

碧潭空諸有歷歷照鬚髮我遊如白雲隨意恣行歇晚

歲盡清娛何羨遊金闕醉死便埋我草書酒人碣談與
狂瀾瀉詩從怪花發平生槩如此山靈聞嗟咄我心九
曲迴行復憇踈樾

白龍潭

空潭龍已去癡坐挈雲氣靈物多變化葦間縈細緯浸
皮冷人骨吐涎香人胃瓶裏揮霍去雷雨令人畏因貪
爲豢物蠢蠢甚無謂虛名釣龍臺古蹟後人貴

七仙洞

相羊方外跡猶在古松林凡骨換山影陳言變澗音携
瓢行吸月彈局或驚禽我輩題詩去神仙亦愛吟

影堂

聖賢異代合香火影堂清日月形容在春秋義理明盛
時雖未遇大道欲同行願作窮經士衰遲恐不成

宿谷雲吉姓家

峽中人性善款曲客畱庄煮鹿能全味挑蔬常帶香不
知奇字快只許濁醪狂堪喜抱真朴遂令頭髮蒼

華溪與杜溪小華諸名勝作

東遊雙袖拂天風滿眼山川入酒中夢遠只隨孤蜨白
詩清盡洗百花紅高人漸老茶爐在太守纔歸草徑通
曾見接枝今食實其間歲月澗流空

春風倚醉接羅斜歡趣真如歸我家萬段經綸還種菜
一番衰盛且看花古今詩品誰開眼南北禪宗莫豎牙
羅列奇峯滿庭戶遊驢枉覓四方遐
滿地綠陰多去時春能未解見攢眉山遊太險方知快
名酒何酸我到遲新句忽圓明月影芳心尚繞落花枝
古琴一弄輪閑適多事不須鍾子期
不買青山小隱君老松西麓可能分溪林好鳥何相見
亂石流泉有所聞那望滂沱天下雨但愁掩翳日邊雲
終知撥曠天機減嬉笑寫來皆好文

安洞逢今軒同賦

莫嫌紅瘦綠全肥爲愛名園舊徑微情似丁香猶百結
身同乙鳥偶雙飛歡娛何極鬢華改衰感無端春色歸
未辨高陽酩酊醉過牆濁酒送斜暉
芳遊隨處惱情緣春夜千金詎一眠揩汝青眸須看月
數吾白髮不知年却拋藜杖酒多力每倒芒鞋花有權
詩是靈機多未解吟休莫遣外人傳

病中送李友

命運

赴任拜峯

奇氣相憐作暮霞隔溪經過到昏鴉歡心紫禁天行健
宦跡青門地不遐晚自吟詩倚松樹時看牽馬入桃花
且須就話同元直林下先教煎茗芽

用紫霞扇頭韻呈南宜齋

周馥

眾中自厭白頭新一笑溫存別作春圓會佛燈緣已熟
細觀文藁道惟真臨齋清韻來相襲壺谷高風望夏親
休怪平生無所事罇東硯北往還人

丙舍聞丹邱韓尚書使燕漫吟遙呈

到老低回鴨水濱神州北望更傷神豈知痛飲爲名士
未使新詩見古人壯觀都輸皇極殿遺書可購大明民
平生已識荊州久萬里難隨馬足塵

陪楓閣賦盆柑

琪花未有見根知珍重磁盆數尺枝不覺滄溟南渡遠

多憐雨露北來滋清香冀向玉盤設絳實勤教羅帕垂
欲使坡公作小傳伯溫還是賣渠痴

異邦奇卉我曾知絕勝懸懸萬樹枝十紙品題花併綻
一瓶功德葉先滋凝香莫遣仙翁嗅結夏仍隨佛手垂
硯北只堪清賞好待他雙蒂聽鸞痴

彌山宅與申李諸君作

蹇衛相尋谷口驢雪中心肺入清虛已過如夢癡何說
所遇皆詩莽未書渺爾季華浮瓮螳蒼然海色上盤魚
諸君莫笑龍鍾老畢竟梅花白髮如

卻望朝班鳧鳥還犁然點燭畫屏間雪翻酒重高陽郡

嵐濕書來小華山官裏梅花須折贈病中明月自投閒
已知荒歲催科急未許吟詩叩竹關

翌日復會

君心嘗似玉壺清更喜山家絕市聲梅發將爲隴頭別
雪飛偏憶剡溪行老來自畫曾遊嶽淡處誰知可隱城
不約琵琶音空谷至梅扉白鶴每先迎

送別赴燕行人

失名

玉署羣仙孰更優出疆方覺小青邱一生磊落蟠霄氣
千古迷茫滿眼愁史熟定知幽薊路詩豪真敵帝王州
窮季免繫衰仍甚慰我離筵大白浮

次鄰友軸中除夕韻

忽驚衰髮亂秋林始悔從前不惜陰疲甚送迎梅亦老
慣於寒暖雪猶淡清罇不管明季事孤燭應知此夜心
惱是舊遊行已盡可堪追逐少年吟

次晚兒上元韻賦月

良宵消受可飛觴白髮那知千丈長丹候熟時方蕩漾
潮聲滿處劇迷茫兔毫政寫山河影蟾吸應通桂樹香
未喚靈僧兼韻士與渠露坐話清光

蓄意多歲問天公底教圓滿一宵中浮生未見千回望
本體終疑萬劫同放處佛光蕩乎海候來仙馭颯然風

西邊精采猶如許却想扶桑大樹東

古來奇賞孰爲真白髮無猜現在身慧是解來瞳子客
駭他看到點頭人玉樓太冷誰褰幔明鏡無塵可拭巾
消得徘徊春酒少清光獨在我家貧

孰使東昇孰使西極清還使醉人迷不分遠近烟波艇
最是淡濃楊柳堤玉斧常嫌忙斲缺金輪但許緩驅齊
玲瓏境界真堪悟白鶴一聲天畔啼

羣心競欲望山頭自有時來且坐休隱現一季從雨判
盈虧萬事撥灰愁才高難及謝莊賦興到誰非庾亮樓
同儕凋謝無吟處畱取餘光與汝遊

不死千季只數公浮花浪蕊在其中丹心終是爭光在
玉貌依然出海同吟嘒幾人承末照徘徊使我拮高風
曉來莫遣多惆悵他夜輪回西復東

造化小兒欲白頭弄丸經却不知休劇知寥廓三千界
絕想玲瓏十二樓藥杵清香仙不老玉弓虛影兔何愁
森羅萬象無遺照魑魅潛形敢出遊

林塘幽雅雪餘奇光景常新人未知靈自動搖情不着
迴無依倚影難遲定看圓缺同三界始覺悲歡亦一時
曾爲行籌 王母壽空餘仙桂萬千枝

呈洪杜溪醉辰

樂受

蓬戶朱門易變遷居然鬢髮盡皤然用之邦國風流厚
道在山林佔俾傳過劫誰頒蠅蚋錄多季自廢蓼莪篇
先生從此享遐福戲絲諸郎滿眼前

過竹西金侍郎不值

堦前芍藥半離披垂老始驚春不遲白塔徒高無佛處
青驄太瘦有官時自從滄海詩仍澹久闕寒暄病亦奇
却望南山蒼翠近閑人意到不畱期

送南平李使君

鼎寬赴任

使君襟抱是清流荒歲南州未解憂已識歸舟無載鶴
先教帶劍作耕牛移來風俗循良傳增飾亭臺子弟遊

可飲無何卑濕地能分竹葉寄吾不

送彌山使君赴任上黨

六印腰間取次新黑頭判作宰官身可堪歷落嶽崎者
又別風流儒雅人罇酒詎須錦城樂歌謠應續沁園春
葩經已熟康成註溫厚詩情自愛民

李士賓

觀夏過

濟勝平生具兩鞋蕭然又復作秋懷魂隨急雨浮于海
送盡芳辰返自厓孤鳥影空斜照薄一蟬吟兀亂林排
西池消息荷花晚詞客酒人誰可偕

送任寶金使君

元根之任

大家風氣滿疎襟爲政南州惠澤深
淡俸盡買牛寧賣劔累無隨鶴只彈琴
先將補袞燮煌手少試專城報答心
安得相思千里駕竹陰多處放狂吟

新晴與同人西池賞荷

我與蓮花結社頻每季花發意還新
思量空性歸靈佛薰染幽香作澹人
但許亭臺留素月已忘風雨送青春
直須消暑碧筒飲安用當場不落銀
高閣登登不厭頻初花晚葉更鮮新
微風香襲坐談客返照紅酣止酒人
勝運清冷都是水芳華蘊藉本來春
聞說藕絲同佛髮照看今夜月如銀

送洪連山

哲榮

赴任

老見使君華蓋飄傍江門館免蕭條
滄桑已是經三劫雨露猶然仰九霄
祿米難追曾擔負官罇應憶舊招邀
劇知山邑清何有瓜熟相逢但恨遙

奉送酉堂公按節嶺藩

文章政事兩兼之幢節鷄林又復移
荒歲已令畿內飽淳風更採嶠南詩
離亭行酒仍初度驛路逢春少舊知
莫道官梅閑索笑隔季清夢繞丹墀

敬次斗室寄示賦梅韻

肌粟不生雪寒隆帶來林下灑
然風閣因久閉延高士

海錄詩金 卷之十
鼎欲調新賴此公薦寵宜藏金屋裏寫真應置玉山中
一枝留賞當春色那復榮驢橋斷虹

又次斗室賦香韻

霖府薰衣氣易和蘇州凝寢夢相過輕涎誰見龍蟠石
細噴猶思象渡河靈性無從起樓閣吟魂欲返亂山坡
儘教金鴨先驚睡字印未消題碧羅

南雨村過與韓李諸人共吟

久別筇鞋床不移城居野趣在松籬青山遠在輸他畫
幽鳥先鳴倡我詩雨意已教花漠漠風光只管柳絲絲
賴君英氣多吹起老去高談更覺癡

病中追次李友性之東門柳韻

性之即李拜峯字

細雨濛濛烟景遲數行濃綠映溪湄牽來醉客歌金縷
喚起佳人畫翠眉春色那禁先洩處風流只在未衰時
柔條自是多情物可奈斜陽管別離

金竹下忽來賦詩

詩思已看眉宇黃待君毫墨置藩牆未妨禿髮追迂叟
但惜青衫喚寢郎流水高山元舊曲娼花冶葉是新香
柴門風雨當初霽願秣歸驢放酒狂

苒苒紅間葉淺黃居然使我憶東牆瓶花蜂證曾修史
橋柳馬嘶前度郎佳景消磨三宿酒新詩捏合百和香

逢場握手傷春老故我全癡今我狂
百盃春酒瀉鵝黃鎮日須教睡倚牆一樣飛花悲范子
多生楊柳見張郎閑身隨處成喧寂秃筆如今掃色香
遠眺新晴無不可衝風絕頂未爲狂

次竹下與家兒同作韻

高談稷下已蕭條槐樹新陰自滿橋林醉數盃通蝶夢
海吟何句直鮫綃韶光駘蕩猶如昨老氣低垂那復朝
二鳥不須分大小天遊隨意各逍遙
春來萬樹出芳條流水斜通紫閣橋豪客盃盤行白玉
麗人歌曲散紅綃劇知明月無多夜通計名花亦幾朝

行樂須從光景好鏡中霜髮不曾遙

和左衡韻

舊觀過水不熹微尚記君顏映半扉
往世已空花盡落是身如夢蝶紛飛
忽驚奇氣橫藜杖常怪狂言出布衣
酒椀詩筒許畱住衰季免得寂寥歸

陪楓臯竹里諸公遊北屯作

垂柳東門拂麴塵溪流漱濯一番新
但添詩話石林寺不管芳緣桃葉津
黃鳥豈知春後事青山更見景中人
未堪應接花千樹惱殺罇前潦倒身
每見清泉欲化魚此心一轉泛江湖
繁紅競入桃花發

蒼翠但看松樹孤眠處芳蕪沾夏嫩酒中青嶂有還無
林間休道斜陽近我已將身隱玉壺

燈夕次少季軸中韻

續竹懸燈照滿城相將今夕踏歌行繡旗帖帖帆樯出
斝鼓蒙蒙星斗生一切圓明因佛性五更寂寞息人聲
朱門蓬戶爭多少春酒終同一酌傾

自拜峯牧場來過洞天宅

是頴草舊居不禁
羊曇西門之悲

草間二仲徑摧三獨上高樓我不堪駿馬已過空冀北
美人何在望江南剩畱文藻爭明月祇遺花心照碧潭
頭白如今迷去處擬將瓶錫掛蓮庵

金竹下送鯉魚作詩謝之

雨裏故人餽鯉魚金鱗撥刺上竿初風雷直恐斯須集
波浪還愁咫尺虛任我好饗添軾賦從渠未化廢譚書
遐思笠澤多漁具着屐高吟魯望居

寄竹所

時竹下在
水橋榭舍

苦被窮愁睡未成喜聽高語當天晴我先老屋知風雨
君獨疲驢問死生醉後方山多悍色詩中越石少雌聲
傍人門戶堪羞殺詎似耦耕田上平

鬢毛俱白集愁成細靄籠山未肯晴復續鼎聯寧厭怪
先傾家釀不嫌生回風燕巧違簾勢積雨蟬癡翳葉聲

敗約清遊持被去閒人韻事亦難平

但見雲形毀復成未知其雨豈知晴境仍翻動孤禽去
矚漸微茫數樹生除是高樓延獄色可邀遊騎聽江聲
不堪汨沒塵中老始覺惺惺獨向平

半扇衡門見老成幽愁還復較陰晴病婆堪作居停主
蹇衛真憐太瘦生簾低壺觴延市色枕根車馬過橋聲
須看鬢髮今俱禿肯遣牢騷作不平

南遊錄

丁丑五月

清州與主牧彌山共賦

時阻雨淹留

衰白猶堪賦遠遊怡然地主見勤留鞋尖任與沉雲色

巾角寧爲墊雨愁印疊簿書三度濕燈淡酒盞五更收
知君好用高禪法中等人來始下樓

翻從巨浸復清遊奔浪混茫勢不留移窟蛟龍仍作怒
迷洲鷗鷺始知愁郡城只恐周遭沒野岸那能邊幅收
藍石橋頭騁眺望挹清當改快哉樓

嶠南澄清閣醉後走筆

平生蓄眼恣遊覽出門一笑髮如霜藕孔之天暑空海
萬匝吾邦當入荒窮人出處陰有數是何風雨太顛狂
篙師舟楫動伊軋估客鈴鐸響郎當危棧急灘懸性命
未知顛沛爲底忙登高壯懷烏嶺險弔古悲歌徃川長

我吟我詩無人聽吐滿虛空天籟涼官道儒冠傭賃賤
况是一錢羞空囊本地圖經尚未熟沙漠蹊逕誰消詳
荒店買飯疥兒椀暝燈借宿死人牀山川儘非生面目
憶曾辛季浮海航余於辛未作海槎之行於日本過此南道樓船百丈斬鯨
鱠醉墨蠻牋生輝光冷跡不曾見生貴那記姓名播殊
方嶠南方伯是故舊我往從之千里強七十州是周封
域二千石爲漢循良閣卒見人欲生噉却噴羸馬鼻聞
瘡爛生刺紙毛欲厚公庭如海稍彷徨一道紗籠明蠟
燭引我游魂忽飛揚巡庭畫戟百十隊繞欄金釵八九
行歡然道古若布素天半高閣徒飛翔寒暄輒問紀行

錄堪媿狂吟搜篋箱夜深延我燕超室食客無數少空
廊蒙茸綠氈許我坐演漾紅醪緩我觴松江嫡派金嶼
子座中奇氣獨昂藏沙溪耳孫桂巷老倦遊南北鬢欲
蒼玉芝先生頎然瘦閱盡百海與千桑萍聚鷗浮偶相
值安蔬老人復桂陽高談如霧壓四座直接兩漢與三
唐山泉是兄寅庵弟天賦何用而不臧滿肚奇文錯繡
線脫手新篇截玉肪谿谷瞻富晉庵健才兼得之氣堂
堂令公隱囊迺中處錦帳絳節何輝煌風流已漸江沱
頌文采新濯雲錦裳調停黨論感眉宇擔着民憂硬脊
梁文簿如山烟似掃判斷生殺却嗟傷江河世道日趨

下駭浪狂瀾手欲障獻酬羣心有餘暇文恬武嬉遊不妨紅蓮碧水誇八幕粉白黛綠矜專房雨漫絃索方換柱夜闌笙蕭更灸簧劔仙騰空虛舞席韻僧說法移道場投壺古禮罰貫耳射候妙技賞穿楊徐山月斜青絲騎琴渚風緩紅牙櫓教坊已演赤壁賦樂府新翻秋水章闌題難字刻燭玉射覆險韻粘蠟黃五更燈火下樓閣遺簪墮珥拾餘香勝情更饒濟勝具浮瓜沉李色甘芳吾友黃庭居硯北詩與王李遙相望燭下寫詩吐豪氣直互屋梁生光芒斯須諸公詩各出使之讀之聲鏗鏘上抗浮雲下如墜口眼相應雜宮商三分是詩九分

讀共憐頭鬢半滄浪令人淨洗絲竹耳盡日華筵風泱泱我東名藍海印大萬瓦千楹南斗傍丹邱一燒五百歲蜚廉祝融共譁張重見茶毗佛之厄法堂兀餘赤土牆焦頭爛額僧有幾乞憐衙門趨踉蹌欣然舍施三十萬其徒攢手獻吉祥韓衣蘇帶一般義豈爲功德請無量嬌娥乞詩六幅錦榆葉萬片浮瀟湘缺口鑷子毛不拔聞此矍然媿且惶雄都不下百萬戶此心休養樂時康我遊盡是芬華夢邯鄲客舍熟黃梁

酉堂拈韻與黃庭山泉寅庵作

冷然引領望清秋鵬鷗逍遙自各遊酒碧江山千里駕

海錄言金 卷之十
燭明風雨五更樓蠟屐已尋溪北寺錦帆將溯洛東舟
祇愁公等來相壓遮却霜毛行不畱
却恨英才少禮羅快談傾倒九天河文章定價金針去
黼黻添光繡綠多棠樹畱陰來去路峴山長碧古今歌
布衫老暑翻嫌重墨瀋三分半酒波

送桂陽還忠州

金井梧桐已動秋白頭邂逅嶠南遊淺斟王績三升酒
同卧陳登百尺樓無賴雲霄多故舊只須歌管作風流
吾行又落征驂後替作華筵別段愁

燕超齋同賦

南曲山花似竹枝蕭然鬢髮覺絲絲山川但信君言好
風雨從爲我數奇達後宦遊俱是客衰來痛飲更多師
菴僧起去爐香歇渴語玲瓏轉作詩

細簾月掛水晶盤嘉客於焉且卸鞍蠟燭成花知夜短
碧醪如海使人寬秋娘歌曲千金少東野詩篇五月寒
三宿官齋清絕甚畱將錦瑟寄餘歡

北社看花度盛季嶠南松竹更新鮮縱談翠幕霜毛短
醉寫紅裙艷體圓公已崇巖邀揖客我堪生老作頑仙
高牙大纛寧爲貴掉鞅文垣早着鞭

風流方伯過英季選勝西山物色鮮百日名花春獨在

千秋 聖節日長圓羅叢錦隊携來妓緩帶輕裘望是
仙頌祝瓊樓天上曲遲遲歸騎不須鞭

臨歸又與諸人走筆

依依玉樹踐芳塵知爾高情一段春官酒三旬香不沫
名花百日日色還新雙星會合孤行客江漢東流北去人
莫道相思音信少天中鴻鴈水中鱗

却掃高樓無一塵梧桐落葉斷餘春青鞋已覺經行遠
玉塵難忘發語新酒猛即令爲俠客詩妍可使媚佳人
秋來已識多風雨點額龍門是巨鱗

秋氣却令瘦骨清頻看斗柄夜淡橫詩囊惜是千金重

酒盞歡如四海平誰復長生能了債我今欲死爲多情
不須絮語終歸別征馬駸駸野水明

樓頭共聽晚蟬清渡口行看曉月橫風雨多於人聚散
山川險似我生平題詩老竹遊時迹勸酒高梧送後情
老去留期那可緩須看白髮向人明

粵山宅錢席次左衡韻

一鳴中國子爲先獨與寒梅意寂然世遠悲歌誰和楚
吾衰寶劍不求燕東瀛清淺拋行酌北斗闌干照贈篇
壯觀當傳花發後情函須寄鴈來邊

老手爲君自折梅未知春色向誰來華夷分界縱橫淚

山海關頭歷落盃膽力那觀天子氣筆談應識漢人才
倘逢皂帽遠東土物色征軺慎勿催

太和殿在五雲端可奈威儀少漢官奇氣誰禁飄拂去
衰腸終是別離難明月全虧應取去梅花半發欲畱看
偏方最恨黃金少爲子詞垣未築壇

臘夜竹下來過梅下小飲

清詩政在雪籬間相對笑紋百摺顏列郡送迎君自在
幾家歌曲我常閒相隨幽約惟明月不改舊親祇碧山
痛飲年來無好處回思清水荻花灣

季如流水世如蓬從壯得衰誰不同英俊自知當世務
文章已動古人風君將清韻依梅下我寫真形立雪中
放杖茫然成一笑還驚却在海之東

破籬風雪未周遮却送夫君月影斜夜闌北斗方揚彩
春盛南梅已落花文字誰奇蟲蝕木功名易毀塔成沙
淡交自是閑來往問答漁樵僂兩家

竹下 除堤川縣來訪話別

除書邸舍見還奇晚暮身紗作郡遲臘享豚臠出 宮
廟春分蓴菜向官池旅愁堪破三盃酒公事應輸一局
碁已而今行惆悵盡餘懷難作送人詩

銅章晚出相門寒須把照人雙鬢看慰藉名山爲小縣

稱停文采直高官君因惠好贈梅易我是情癡割酒難
已識和平詩有道治聲不在古琴彈

竹下具酒見邀同作留別

使君筆下起彤霞聚散城南似曉鴉邸舍已羞先見綬
別燈何喜更占花詩情梅後多方在觴政山中一倍加
魂夢輕輕不期會纖雲薄霧一重紗

相看鬢雪更森森行復挾書松桂林靈境盡分宗子嶽
知音詩賽宓生琴留歡數夕酒錢少來別幾人車轍淡
應到官齋回想處梅梢新月入孤吟

燈青似喜對情親頭白還嫌引照人籬落俱虛圍積雪

歲華全弊補新春老猶結友從風雨貧欲求官被笑噴
慙媿放翁吟萬首自梅開後硯生塵

一匹青驪去作州自今都下少風流奎星似履還成集
酒德如春忽變秋名士欲親皆悵望仙山難到却優遊
月中一日爲公事二十九篇寄白頭

浦舍看伐荻蒸食大蟹謾賦

野人罇俎作秋容公子元來風味濃自有雙螯堪敵虎
先將一穗每輪龍橫行却帶江湖氣躁擾尚迷雷雨蹤
何幸菰蘆生此物老饕隨處輒相逢

李清風見心過傳竹下之信息喜賦近體

竹君信息寄清風
咳笑如聞側想中
彩筆題詩應感帝
藍袍作吏不慙公
晚季光景支筇住
隨處歡娛放盞空
癡說經春離別苦
我魂君夢異床同

衰世文章入變風
君才獨在古人中
狂呼北海為兒輩
妄斥弇山作巨公
多取流季隨手盡
久耽勝事轉頭空
老來強學金鍼法
看繡元央同不同

奉贖趙學士萬承瀋陽書狀之行

徧踏幽燕未盡奇
半途行役易前期
異聞應熟芝園說
遐矚只憑雲石詩
南望帆樯聯錦纜
東遊鹵簿貼黃旗
冰心一片堅如玉
瀋水炎蒸定不知

十五夜逋仙具酒見邀賦上元李性之號逋仙

少季多負老人期
却對青山勝舊知
看梅花渾作雪
自驚鬚髮盡成絲
尋常瘦酌通腸冷
十二虹橋試脚遲
今夜難孤明月色
莫言春後盡芳時

颯然衰髯識天晴
曉露淒清可獨行
我輩去來關酒氣
國家衰盛係詩聲
任教客散龕梅靜
催却月斜街鼓驚
菊偶紙鳶俱斷送
新季惆悵也同情

揆詩奇癖自天來
米芾雲根君復梅
浪痕清淺爭光月
山骨嵌空潤色苔
雅量無多蕉葉盞
盛時未上柏樑臺
忽逢勁敵來磨墨
香印全銷燭半灰

洞天雨村過

少季春望老餘身盡日顛風影不親我惜園花方植杖
君隨巷柳半欹巾却驚高論惟今世不襲陳言更幾人
魯酒一罇相就飲未妨自號作閒民
韻士相交影倚形奇才以草玄經君來苦待如花候
我死應知爲酒星幽鳥忘機淡樹息遙岑會意淡雲停
種蔗春雨餘閑在清夜街鍾共坐聽

南園呼韻

今日何遲山逕斜始知高坐傍雲霞細分街巷通楊柳
明見樓臺倚杏花未盡人情俱有恨欲窮春色迴無涯

玉壺新酒今餘幾一宿芳林僂我家

空虛堂直中

逃名酒黨跡還奇投老漁磯歲亦遲已見鬢毛如許短
自知章服未堪癡抱關末路何言困奉檄殘生不泊悲
卧看空虛題額好此曹元屬白雲司

欹棚枸杞綠陰饒伴直無人獨坐謠讀律寧爲侵刻吏
放囚真遇 聖明朝劔光隱約星猶動冤氣輪困酒可
消聞說看荷乘霽去冰壺濯魄羨逍遙

百回番記錦文圓一樣牒呈花押偏地獄還應多酒食
仙家亦復用皮鞭山行已退空遊鹿詞客不來但聽蟬

一線清風恩到骨乍忘赫日永如季
束帶何堪瘵不搔衰季尚復氣麤豪漢庭獄吏元來貴
唐代詩人自許高感是先鳴蟲以股羞爲俛啄鶴之尻
老炎橫斷新秋令北澗清流擬一遭
窮季官樣使人憐欲作中和聖德篇世以虛名招謗易
天如私覆受恩偏婆娑庭畔數叢杞清淺欄邊一眼泉
休說直廬光景少西山爽氣滿襟前
晨昏席帽走疲驢自在蕭閑恐不如未給俸錢沽市酒
難支官燭閱私書人生江海浮漚在夕景桑榆幾足餘
親友未知聊復爾問余何歲佩銅魚

奉贐斗室沈公按節關西

一品尚書衣紫荷朝辭 玉陛鬢華多湖山清絕畱高
蹟官府太平當晚歌過淚舊觀應不皺登樓衆作欲無
哦莫須燕寢燃香久居鼎調梅更若何

偶吟忽憶竹下

賦性閑漫喜出遊亦嫌勝地久稽畱老來倒屣迎詞客
病後垂鞭過酒樓久憶江湖仍缺月正愁風雨却新秋
喜君松桂讀書富有蟹無監少許州

奉贐荳溪朴侍郎

宗薰

按節湖南

湖南清絕寄名流忠孝世家公更道袞闕彩毫須潤色

班空玉筍為分憂可辭厚祿二千石丕變淳風五十州
掃盡簿書多暇日為看詩橐蓄衰眸

空虛直中次杜韻

每思清獻當炎蒸讀律平生我不能罪業誰諳道傍雀
赦書先洩筆頭蠅舊遊併與烟花去老屋不堪風雨仍
騎省十鈔為宦味沽來白酒和殘水

挽趙碩士

漢錫

痛哭為生三十年窮途最識夫君賢魂飄廣漠曾經劫
手抉浮雲始觀天大廈奇材違末世長虹傑氣掩重泉
白頭晚計娛文酒灑淚梅前作是篇

竹下小楠羽堂夜集

愍覺前生是古僧晨鍾一下僂神凝芭蕉已老秋風落
鴻鴈欲來湖水澄盡遣炎蒸空四壁尚餘哀樂赴孤燈
煩君遠慰崦嵫景能伏睡魔盃酌勝

石瓊樓夜集

雨衫風帽賦詩豪擺落塵緣放鶴臯僧去翻疑松影在
酒醒方見月華高空山自是生靈籟清瀑何須作怒濤
仙竈烹茶還一快丹方堪笑九還勞

奉贐沈恆齋

能岳

赴任義州

出餞西亭酒起波緋衣玉署一麾過心懸 鳳闕月輪

轉行到龍灣秋色多射獵健兒從義氣送迎官妓足清
歌已知雅望安邊俗爲寫新詩數幾何

苑署直中

笑殺微臣似馬蹄終朝雨雪踏春泥松枯此苑噫吁矣
梅發吾家歸去兮誰使賢愚同是老竟知哀樂摠爲啼
閑曹政被風流勝畱見紗籠壁上題

成公所植爲重尋五十季前滿苑陰悵望當時應訪鶴
盤桓其下幾携琴忽經霹靂知高節久飽風霜見苦心
猶惜于今根撥在魂歸冥漠漫長吟

踏來陳跡老苔斑往事森森滿此間孤詠舊詩餘白月

同遊先友盡青山蓬瀛清淺吾猶在華表悲涼孰復還
破帽殘季爲底樣高松不見免慙顏

良宵詩什出多門酒氣濛濛和睡痕九陌香塵迎羽衛
三清斜月返仙魂猿狙性惱藍袍窄花木簿嫌硃印繁
少事還同了公事官僮閒睡我忘言

九月既望陪楓閣諸公泛舟西湖

閑地相逢懷抱寬重陽更展夜遊歡車過鳳闕雷殷
轂舟近龍山風落冠匝岸亭臺紅樹晚滿江霜露白鷗
寒倉卒莫言勞供具諸公飲啗亦堪看

晝遊繼夜置期寬厓返輪蹄爲盡歡少以沈冥多放跡

始知拘束誤彈冠
泠泠絲竹供陶寫
落落詩篇詎瘦寒
携到北山蒼翠色
夕陽帆外喜重看

紅葉亭皋沙路寬
逢公十里不禁歡
事過風雨仍虛艇
意遠烟波欲掛冠
富貴神仙今世重
江山翰墨此生寒
高吟停擢蠶頭下
朴李清詩較量看

匝坐舟中禮數寬
一生湖海作清歡
銀刀玉尺翻踈網
豪竹哀絲危古冠
酒滿乘壺黃菊熟
衣添半臂碧江寒
塵寰爲底多忙事
明月不須誰好看

月光沙勢許相寬
琴客犁然歌者歡
鴈起數行傷律呂
江高千尺會衣冠
中州碁局終爭奪
是夜酒盃同煖寒

祇恐流季洲渚換
題詩船壁後遊看

杳茫萬頃望中寬
白露蒹葭憶所歡
清夜歌聲猶擊節
衰年酒氣尚衝冠
筆頭蒼壁蘇公老
鏡面澄湖西子寒
既望泛舟依故事
不堪癡絕大家看

漫郎行處着身寬
本地風光我自歡
樓閣諸公皆玉佩
山林高士或黃冠
徘徊漁唱世何遠
慙媿鷗盟秋又寒
灑墨苔磯從洗浪
錢郎百絕好誰看

秋氣崢嶸觴政寬
本來閑性共歡歡
披胃白日休遮幔
露頂青天不用冠
羽化夢魂十洲遠
水晶宮闕五更寒
亦知清福能消受
滿面雲霞八畫看

苑署直中金趙李八公畢至共拈杜韻

千金難買十分春喜客連塵綺陌塵過澗苦遲挈壺僕
畫山添寫岸紗人遙天忽碧鶴橫氣返照淡明松見身
嶺外使君貢藝至初聞信息病中新
好鳥一聲天下春遊鞋從此蹋芳塵平生喜結看花伴
末宦因成獻果人佳節易道留物色浮雲忽改覺吾身
貧司亦有誇張處一眼瓢泉試茗新
此意憑欄已渺然蒼蒼遠眺却無邊盡空山澤來奇士
直對壺觴當少季羞澁花心經雪虐嬋娟草色受人憐
冥搜我欲爲奇語孤嶂雲生落照天

數公衣袂共翩然閒性相尋樹石邊酒氣過人輕萬里
韶光假我抵千季良辰美景詩難廢苦雨顛風花獨憐
聚散只堪供一笑斜陽皓髮映青天

趙貞室元七至共賦

青驢可喜響山扉病後園官生意微楊柳漸垂迷午酌
杏花將發換春衣虛名媿我交遊曠高調多君絕世稀
今日對吟慰泔寂芳筵不恨昨相違

苑署直中寄竹下

記得相逢一笑新靈山會有前因尋梅仍作多情客
賒酒難爲了債人貂襖旅遊君已倦磬懸空室獨知貧

倘令吐出蟠霄氣能使寰中萬物春

貞室作詩送酒仍和謝之

春眠隔世如紗縠忽聞虛室香馥郁新詩已判旃檀片
名酒引入幽蘭谷使我掃却塵夢噩白雲滃然起滿酌
詩當不朽酒易醒請君明日思方略

李金浦

章顯

壽席韻和呈

頓覺春回秋色邊桑弧花甲設芳筵孟光夫婦元多樂
君寶弟兄俱永季潦倒身紗非絳老聯翩鳧鳥是巴仙
堆來釘餽紅榴子可見孫枝雨露天

我亦秋霜點鬢邊前期春酒共華筵久要相隔同千里

善頌惟多過百年兒已乘龍知俊物翁能挽鹿亦開仙
詎勞九轉丹砂熟且與優游自在天

茗泉公過直廬因招斗臣轉向花開洞

亦苑中地也

各

用一花字同作

黃是散金紅是霞花開洞裏遍開花極知多費化工力
可奈偏傷鬢髮華園客尋泉還自汲洪厓送酒不煩賒
春來應接無閑暇行欲題詩日已斜
共載葡萄酒一車人生樂處便為家劇憐遷坐牽情柳
但恐狂言觸忤花盤上河豚江色動幔間風蝶夢痕斜
豔體春詩殊樂府白頭慙媿李西涯

瞥見紅裙油碧車佳辰唱曲是誰家數遊不妨嘲驚蝶
老眼猶能別好花綠酒沉冥春雨細烏紗輕薄晚風斜
與公從此逍遙樂登了山顛復水涯

儒

茗泉公以本署提舉枉存直廬招金竹下李黃庭

諸僚永夕酣暢各賦五古一篇以記其盛事

苑中多喬木羣鴉共棲托寒廳三日直困於三日瘧急
腸誰能緩苦調詎為樂提舉文章伯雅志在巖壑偕我
諸僚佐卜夜不宿約筍輿松石間儵然下仙鶴平明陪
仙仗衣香尚錯莫仰看星次換俯聆巖溜落灑翰鳴琳
琅行厨剩餽飪誰是妙語掾仍命無量酌脫帽見顛狂

散帶從盤礴寄語上元月恆圓如今昨座中金衛率高
該集雅謔風流動山川茲事久寂寞皓首屬下秩畢生
慰落魄願言聊申寫毫墨詎徒作

對雪

北風驅雪至急勢迴沉淡既灑蓮峯面復散紫閣陰落
花兒競拾亂巾客誤簪屋瓦響馳鼙欄楯集飛禽萬萌
未達春一寒更森沉忽破空濛氣遂發昭曠心荷鋤劓
黃獨緬想幽人襟兀然棲荒署試彈白雪音

苑署具道如朝過要余賦詩喜可知也

綾山字
道如

休說吾季已過稀騎驢赴約未曾違西山層瀑猶清耳

北渚飛花已滿衣，酒保菜傭俱可隱。戟門蓬戶亦同歸，
祇憐俗子輕衰髮。每作閑詩說是非。

月夜訪紫園黃庭已在共拈

紫園張孝廉照之號

鴻鴈一聲破帽寒，踏來街鼓露華殘。盡酬明月餘詩少，
欲哭秋風下酒難。名士忽逢如異境，流光力挽奈奔灘。
此樓信宿奇緣在，顴影回燈仔細看。

三月晦小楠携酒夜過賦送春

東君惜別鬢絲斜，相送山長水復賒。渺爾計程何處客，
凄然掩戶幾人家。強持淡燭爲明月，畱取新詩當好花。
老去風流何了語，尚期來歲會無遮。

送申翠微

在植

按節東藩

當世清標見令公，分憂旋節海之東。察眉窮戶艱難色，
解綬貪官想望風。佛座金剛還復重，仙班玉筍暫仍空。
西清曉夢蓬萊什，滿帶烟霞寄遠筒。

奉送竹里按節關西

少別全空北巷居，諸公意想定何如。盍簪此地軒車盛，
持服今季飲餞踈。陵改先王那復見，田荒箕範詎還
初。西歸取次開東閣，報政明春且莫徐。

偏蒙汎愛不材身，醉後尋常怨吐茵。絕海從遊魂尚悸，
好官強覓笑無嗔。文章不問東廳士，惠澤先沾西土人。

羊檻牛欄同滯直，鄒由行部望飛塵。

時余在牲署值中

送趙北海陳奏赴燕

鴨江重渡鬢添星，祖席紛紛酒獨醒。官不因人從雅望，文多閱世更芳馨。未分忠逆當刊史，可解悲冤詎哭庭。尚記雍容兵亂日，安州往蹟使車停。

送李書狀

元默

赴燕

屢作槎詩語不新，喜君元是讀書人。辨于萬曆猶悲憤，行矣幽州多苦辛。奇士誰貽包裹紵，遺經堪購賞餘銀。燕庭倘復須章奏，到底掀翻筆若神。

瓶中桃花

屢閱韶華鬢雪如，紅葩一朵慰端居。名園折處驚棲鳥，活水澆來學養魚。色是劉盃解醒後，看同宗畫遠遊餘。浮生元自無根蒂，榮悴終須付太虛。

受折孤芳意晏如，渾忘昨日已移居。吐紅踈蕾疑萍寶，漲綠浮英占鱖魚。香色三生成佛界，夢魂千載接秦餘。簪花却笑壺公老，忽覺繁華鏡裏虛。

問渠契闊復何如，與我周旋硯北居。已見薰濃春是酒，安知活潑汝非魚。塵埃阡陌香應沫，風雨林園身幾餘。吟嘒小題還狡獪，袁家瓶史此篇虛。

景臨直中

秋後蒸炎一倍加微涼留待夕陽斜
淡巷未沾多美酒
吾詩不入盡凡花
蟬鳴垂柳知閒署
魚泳芳池似貴家
斯世醉吟其次我
雅遊來日莫相遐
季少場中割酒分
燈光羞照白紛紛
醉來喉噎難呼月
秋後身輕欲趁雲
盡悴蓮花誰復見
未衰梧葉已多聞
不須點染殘高墨
水上風行是我文

奉贐西堂金尚書以正使赴燕

逐季伊軋使車行
直限鴨江桑樹生
髭髮誰憐君子老
文章定使漢人驚
每携子弟美無度
復見山川喜有情
予于扶筇行不得
欲將雙眼遠懸旌

神州豈是一家物
天運由來遞往還
華夏英豪皆折戟
金元皇帝互連環
至今慙媿三韓使
終古悲涼萬壽山
倘遇遼東皂帽客
窮塵往事話辛酸

老去看書每失聲
崇禎末運任聰明
金湯自潰收盧左
帑藏多慳散獻成
漢代衣冠從毀裂
秦家城郭漫崢嶸
倘見今皇除雜髮
中州少慰士夫情

贈山泉陪其大人入燕

山泉名
命喜

彷徨不已掩柴關
我老君行作別難
直向幽州風雪去
但令中國畫圖看
如今魏屈遺民盡
畢竟金元古蹟寒
縱有文虹橫碧落
長城驅馬踏冰殘

幽燕半道曠懷偏史料無多馬首前寥廓山河四萬里
紛紜事業二千年離腸已繞薊門樹老眼難窮碣石天
楊柳依依詩句好壯觀留讀記行篇

送金季良入燕

軍官裝束舊書記最是君才三絕饒彩筆寧為大方笑
畫樓嘗許上賓邀東遊鯨浪同舟濟北望燕雲獨酌謠
惆悵寸心延萬里季當西夕氣非朝

山泉餞席走筆贈李友善永赴燕

嶠南一見歡如舊落落吾曹少盍簪白髮朱門聊爾跡
紅蓮綠水澹然心令人氣壯北平虎閱世悲多華表禽

袴褶忽生精悍色薊風遼雪去誰尋

贈吳君昌烈隨上价入燕

為爾高歌酒欲波此筵明日隔山河詩從溫李傳神久
學在岐黃起死俄望海亭頭東國小太和殿上北風多
歷看三世垂垂老燕市求來駿隼何

金酉堂尚書充上价赴燕副行人即金侍郎啓溫

也灣上與上价子弟金山泉命喜幕府金善臣

迭相唱酬殆近千餘篇云而見寄一軸詩見甚
宏麗遂以七古走筆和寄

聞道副价金侍郎放膽為文大鋪張撒珠綴玉色炫爛

行雲流水意迷茫長亭短亭八興會纔到定州八百章
山川却添花上錦草木渾被筆頭香官妓磨墨腕欲斷
書史鬪韻汗且僵詞垣掉鞅凡幾客恨不携來看在傍
行臺鼓角噴轟壯驛使鈴鐸響郎當寫去豈視張子布
誰是行中識峨洋貂裘犀帶酉堂老左圖右書處中央
家中名士山泉在幕下奇才金季良善臣字季良傳呼二帳
詩筒至忙手披函出尋常定應并張左右翼直破中堅
八商量我酬十之彼酬百千里畏人徒彷徨却忘寶珠
繫衣在口喏目瞪口呆他人藏滿天飛花彩牋散觀者駭然
迷四方火頭食子亦喪箸疾雷破山孰不忙燭痕鉢響

爭數刻催花打鼓聲相望壯觀濤打廣陵岸驚魂火急
赤壁艦諸君暗如吞栗棘文人習氣豈頹唐撚髭苦吟
不足數蚓鳴苔竅但荒涼東五西三少敵手白雪陽春
獨擅場洪鑪打成金玉器天河濯出雲錦裳觀書已與
五嶽等強詎何論三篋亾久蓄毫端來汨汨八面應敵
氣自揚一時壁壘變精采莫論豎旗與牽羊應接無暇
但嚼墨思而不屬欲括囊唱歌休作緩緩曲被之管絃
促柱商多多益辦善用法勝人少許豈云強曳地光明
無畔際豈有妄男敢先嘗練光樓上冰蟾動統軍亭頭
遼鶴翔奇想滿空始酣暢象胥何知催束裝方有公事

且緩轡玉節嬰娜凝曉霜陽關三疊方倚韻快意當前
飛急觴東來彩虹萬丈起使星誰看奎宿光前頭計程
抵萬里可載驟車而充廂文章欲攄無盡藏吟滿中州
餘大荒裁來五紋成黼黻潤色昇平佐明堂如當風雨
孤注戰電光草檄不亂行徐李以後宿儒少燕京文運
恐不昌

徐乾學
李光地

相逢唱酬難復作慧解曉嵐富贍綱

句紀

號曉嵐翁章

五山自道馳馬去題滿連紙秦城長鵬汝

百韻纔歎茗庭藻千篇未熟梁

指沈李
二人

謝家七千以氣

勝迭酬竟輸鬪草芳詞令嚴束似軍令酒旗茶槍限夕

陽漢源大言才亦副我文三匝朝鮮疆

五山車天輅號
漢源盧號

平生聞見疑仙鬼今日所傳更徜徉誰為搏兔誰搏象
隔靴奇癢欲發狂後遊指點題詠處墜墨遺香滿藩牆
蹶然驚起信息大我欲從之無糗糧翩然袴褶擊孟勞
御風泠泠醫巫岡白頭此事亦妄想轉生中國祈彼蒼
牛腰巨軸寄近信一氣快讀恐不妨海水可竭僧難負
老眼雙珠尚光茫

牲署直中送金毅卿

弘根

出宰義城

毅卿天下士爵祿不曾干捧檄為親喜披衾別弟難康
莊寧試驥枳棘可棲鸞行就竹林飲秋風憶所歡
同城任阻闊遠別若無依衰境情多弱窮途事易違千

季鵬有信兩地月同輝愁煞陽關曲不如梧一揮

觀茁軒偶成

赴公日日走風埃歸見黃花自在開人性不如花性澹
花前懣悔薦清盃

齋宮朔奠負楮來共待承宣集露臺着帽人皆圖作宰
終知志業摠堪哀

晨鵲初飛斜月懸依依人影動如烟山礮犖確城門遠
落葉詩愁已滿前

泊翁詩鈔卷之七終

